

20 августа 2017 года.

Неделя 11 по Пятидесятнице. Попрáзднство Преображéния. Прмч. Дометiя.

Глас 2.

## ВСЕНОЩНОЕ БДЕНИЕ

### ВЕЛÍКАЯ ВЕЧÉРНЯ

**Диáкон:** Востáните!

**Хор:** Благословí.

**Иерéй:** Слáва Святéй, и Единосúщней, и Животворящей, и Нераздéльной Трóице всегда, ныне и прiсно, и во вéки векóв.

**Хор:** Амíнь.

**Священнослужители в алтаре:**

Приидiте, поклонiмся Царéви нашему Бóгу.

Приидiте, поклонiмся и припадём Христú Царéви нашему Бóгу.

Приидiте, поклонiмся и припадём Самомú Христú, Царéви и Бóгу нашему.

Приидiте, поклонiмся и припадём Емú.

**Псалóм 103, ПРÉДНАЧИНÁТЕЛЬНЫЙ:**

**Хор:** Благословí, душé мой, Гóспода./ Благословён есi, Гóсподи./ Гóсподи, Бóже мой, возвелiчился есi зелó./ Благословён есi, Гóсподи./ Вся премúдростию сотворíл есi./ Слáва Ти, Гóсподи, сотворíвшему вся.

Слáва Отцú и Сiну и Святóму Дúху, и ныне и прiсно и во вéки векóв. Амíнь.

Аллилúиа, аллилúиа, аллилúиа, слáва Тебé Бóже. *(Трижды)*

**ВЕЛÍКАЯ ЕКТЕНИЯ:**

**Диáкон:** Мiром Гóсподу помóлимся.

**Хор:** Гóсподи, помiлуй.

**Диáкон:** О Свiшнем мiре и спасéнии душ наших, Гóсподу помóлимся.

О мiре всего мiра, благостóянии Святýх Бóжиих Церквéй и соединéнии всех, Гóсподу помóлимся.

О святém храме сем и с вéрою, благоговéнием и стрáхом Бóжиим входящих во нь, Гóсподу помóлимся.

О великом Господiне и Отцé нашем Святéйшем Патриáрхе **Кирилле**, и о Господiне нашем, Высокопреосвящённейшем митрополiте *(или: архиепiскопе, или: преосвящённейшем епiскопе имярек)*, честнém пресвiтерстве, во Христé диáконстве, о всем прiчте и лúдех, Гóсподу помóлимся.

О Богохранiмей странé нашей, властéх и вóинстве ея, Гóсподу помóлимся.

О граде сем *(или о вéси сей)*, всяком граде, странé и вéрою живúщих в них, Гóсподу помóлимся.

О благорастворéнии воздúхов, о избóилии плодóв земнýх и врéменех мiрных, Гóсподу помóлимся.

О плавающих, путешéствующих, недúгующих, страждующих, пленённых и о спасéнии их. Гóсподу помóлимся.

О избáвится нам от всякия скóрби, гнéва и нúжды, Гóсподу помóлимся.

Заступi, спасi, помiлуй и сохрани нас, Бóже, Твоёю благодáтию.

Пресвятúю, Пречистúю, Преблагословённую, Слáвную Владычицу нашу Богородицу и Приснодéву Марию, со всеми святýми помянуvше, сáми себе и друг друга, и весь живóт наш Христú Бóгу предадiм.

**Хор:** Тебé, Гóсподи.

**Иерей:** Яко подобáет Тебé всякая слáва честь и поклонéние, Отцú и Сыну и Свято́му Дúху, ны́не и прiсно и во вéки векóв.

**Хор:** Амiнь.

**БЛАЖÉН МУЖ:**

**Хор:** Блажéн муж, iже не iде на совет нечестiвых.

Аллилу́иа, аллилу́иа, аллилу́иа.

Яко вестъ Господь путь прáведных, и путь нечестiвых погiбнет.

Аллилу́иа, аллилу́иа, аллилу́иа.

Работайте Господеви со страхом и радуйтесь Ему с трéпетом.

Аллилу́иа, аллилу́иа, аллилу́иа.

Блажéни вси надéющиися Нань.

Аллилу́иа, аллилу́иа, аллилу́иа.

Воскресни, Господи, спаси мя, Бóже мой.

Аллилу́иа, аллилу́иа, аллилу́иа.

Господне есть спасéние, и на людех Твоих благословéние Твоё.

Аллилу́иа, аллилу́иа, аллилу́иа.

Слáва Отцú и Сыну и Свято́му Духу.

Аллилу́иа, аллилу́иа, аллилу́иа.

И ны́не и прiсно и во вéки векóв. Амiнь.

Аллилу́иа, аллилу́иа, аллилу́иа.

Аллилу́иа, аллилу́иа, аллилу́иа, слáва Тебé Бóже. *(Трижды)*

**ЕКТЕНИЯ МАЛАЯ:**

**Диáкон:** Паки и паки миром Господу помóлимся.

**Хор:** Господи, помiлуй.

**Диáкон:** Заступи, спаси, помiлуй и сохрани нас, Бóже, Твоёю благодáтию.

**Хор:** Господи, помiлуй.

**Диáкон:** Пресвятую, Пречистую, Преблагословенную, Славную Владiчицу нашу Богородицу и Приснодéву Марию, со всеми святými помянуvше, сами себе и друг друга, и весь живóт наш Христú Бóгу предадим.

**Хор:** Тебé, Господи.

**Иерей:** Яко Твоя держава, и Твоё есть Цáрство, и сила, и слáва, Отцá и Сына и Святаго Дúха, ны́не и прiсно и во вéки векóв.

**Хор:** Амiнь.

**ГОСПОДИ, ВОЗВÁХ, ГЛАС 2:**

**Хор:** Господи, возвáх к Тебé, услыши мя./ Услыши мя, Господи./ Господи, возвáх к Тебé, услыши мя:/ вонми гласу молéния моего,/ внегда воззвати ми к Тебé./ Услыши мя, Господи.

**Да испрáвится молiтва моя,/ я́ко кади́ло пред Тобóю,/ воздейáние руку́ мою́/ – жéртва вечерняя.// Услы́ши мя, Гóсподи.**

**Чтец:** *Стихиры воскресные, глас 2:*

**На 10. Стих:** **Изведи́ из темни́цы ду́шу мою́,// исповéдатися имени́ Твоему́.**

**Стихира:** **Пре́жде век от Отца́ Рóждшемуся Бóжию Сло́ву,/ Вопло́щшемуся от Дéвы Марии,/ прииди́те, поклони́мся:/ крест бо претерпéв,/ погребéнию предаде́ся, я́ко Сам восхотé:/ и воскресе из мёртвых,// спасé мя заблужда́ющего челове́ка.**

**Стих:** **Мене́ ждут пра́ведницы,// дóндеже возда́си мне.**

**Стихира:** **Христóс Спас наш,/ е́же на ны рукописа́ние пригвозди́в на Крестé за гла́ди,/ и смёрную держа́ву упраздни́:// поклоня́емся Егó Тридне́вному Воскресéнию.**

**На 8. Стих:** **Из глубины́ воззва́х к Тебе́, Гóсподи,// Гóсподи, услы́ши глас мой.**

**Стихира:** **Со Арха́нгелы воспои́м Христóво Воскресéние:/ Той бо есть Изба́витель и Спас душ на́ших,/ и в сла́ве стра́шной и крéпцей си́ле,// па́ки грядéт суди́ти ми́ру, егóже созда́.**

**Стих:** **Да бу́дут у́ши Твои́// внéмлюще гла́су молéния моего́.**

**Стихира:** **Тебе́ Распéншагося и Погребéннаго,/ А́нгел проповéда Влады́ку, и глаго́лаше жена́м:/ прииди́те ви́дите, иде́же лежа́ше Господь:/ воскресе бо, я́коже рече́, я́ко Всеси́лен./ Тёмже Тебе́ поклоня́емся, Еди́ному Безсмёртному:// Жизнода́вче Христé, помилуй нас.**

*Стихиры попрáзднства Преображéния, глас 4, подóбен: «Зва́нный свёше...»:*

**На 6. Стих:** **А́ще беззакóния на́зриши, Гóсподи, Гóсподи, кто постои́т?// Я́ко у Тебе́ очищéние е́сть.**

**Стихира:** **Пре́жде Честна́го Крестá Твоегó и страда́ния,/ поéмь, и́хже проразсуди́л еси́, от священных учени́к,/ на Фавóрскую, Влады́ко, возше́л еси́ гóру,/ показáти восхотéв сим сла́ву Твою́,/ и́же и ви́девшие Тя преобрази́вшася/ и па́че со́лнца просия́вша,/ ни́цы па́дше,/ си́ле Твоей удиви́шася, взывáюще:/ Ты безлётен Свет еси́, Христé,/ и сия́ние О́тчее,// а́ще и во́лею плоть яви́лся еси́, Неизмéнене.**

**Стих:** **И́мене ра́ди Твоегó потерпéх Тя, Гóсподи, потерпé душа́ моя́ в сло́во Твое́,// упová душа́ моя́ на Гóспода.**

**Стихира:** **И́же пре́жде век Сый Бог Сло́во,/ И́же Свéтом, я́ко рiзою, одева́йся,/ преобразу́ющийся пред учени́ки Твои́ми,/ па́че со́лнца, Сло́ве, просия́л еси́,/ Моисéй же и Или́я Тебе́ предста́ша,/ мёртвым и живы́м Тя, Гóспода, пове́дающе/ и Твое́ сла́вяще неизречéнное смотре́ние, и ми́лость,/ и мно́гое милосéрдие,/ и́мже спасл еси́ мир,// грехóм погиба́ющий.**

**На 4. Стих:** **От стражи ўтренния до нóщи, от стражи ўтренния, // да уповаёт Израиль на Гóспода.**

**Стихира:** **От Девiческаго óблака Тя рождéнна, / и плоть бiвша, / и на горé Фавóрстей преобразу́ющаяся, Гóсподи, / и óблаком свётлым Тя окружа́ема, / глас Родiтелей возлю́бленнаго Тя Сýна, / ученико́м предстоящим Тебé, я́ве скáзоваше, / я́ко Единосу́щна и Единопресто́льна. / Тёмже Петр, удивля́ясь, / - добрó есть зде бiти, - глаго́лаше, / не вéдый, éже глаго́лаше, // Благодéтелю Многомiлостиве.**

*Стихиры прмч. Дометiя, глас 6, подббен: «Всю отложiвшие...»:*

**Стих:** **Я́ко у Гóспода мiлость, и мно́гое у Него́ избавлéние, // и Той избáвит Израиля от всех беззакóний его́.**

**Стихира:** **Все отложiв волшéбное обая́ние, / и пёрсское сквернéние, и мёрзкая служéния, / Бóгу притéкл еси́, мýдым промыслéнием / окормля́ющему челове́чество, / Егóже iменем апóстольски исцели́л еси́ / безсловéсных недúги и челове́ческая болéзни, / притека́ющих усéрдно к тебé, уго́днице Христóв. / Егóже со дерзновéнием моли́ // о душа́х нáших.**

**На 2. Стих:** **Хвалiте Гóспода вси язы́цы, // похвалiте Его́ вси лю́дие.**

**Стихира:** **Весь возложи́л еси́ твой живóт Гóсподу / и тёпле отлучи́лся еси́ / к по́стному течéнию, преподóбне, / моли́тву несумнéнну, бдéние всенóщное, / пéние непрестáнное / и житиé непорóчное и А́нгельское показу́я. / Отсю́ду дéйствием чудéс обогати́лся еси́: / вестъ бо слáвити Госпóдь рабы́ Своя́, / Егóже со дерзновéнием моли́ // о душа́х нáших.**

**Стих:** **Я́ко утверди́ся мiлость Его́ на нас, // и iстина Госпóдня пребывáет во век.**

**Стихира:** **Весь одéявся Крéстным всеорúжием / и неразрушiмым щитóм вéры обложiвся, / стра́шен был еси́ / супротiвным дéмонским ополчéнием, / iхже и отгна́л еси́, / рáною вéры помáзався / и Божéственными призывáнии, / и в путь шéствующий спáсл еси́ врéда óнех, / Дометiе, уго́днице Христóв. / Егóже со дерзновéнием моли́ // о душа́х нáших.**

*Стихира попрáзднства Преображéния, глас 6:*

**Слáва Отцú и Сýну и Святóму Дúху.**

**Прообразу́я воскресéние Твое́, Христé Бóже, / тогда́ поят три Твоя́ ученики́, / Петра́, и Иáкова, и Иоáнна, / на Фавóр возшёл еси́. / Тебé же, Спа́се, преобразу́ющуся, / Фавóрская горá Свётóм покрывáшеся, / ученицы́ Твоя́, Слóве, / поверго́ша себе́ до́лу на землi, / не терпя́ще зрéти невидимаго зра́ка, / А́нгели служáху стра́хом и трéпетом, / Небесá убоя́шася, / землiя вострепетá, // вiдяще на землi слáвы Гóспода.**

**Глас 2:**

**И н́бне и пр́сно и во вéки векóв. Амíнь.**

**Догматик:** Прéйде сень закóнная, / благодáти пришéдши: / я́коже бо купинá не сгарáше опалéема: / тáко Дéва родилá есý, / и Дéва пребылá есý. / Вмéсто столпá óгненнаго, / Прáведное возси́я Сóлнце: / вмéсто Моисéя, Христóс, // Спа́сение душ нáших.

**Вход с кадýлом:**

**Диáкон:** Премýдрость, прóсти.

**СвÉТЕ ТИХИЙ:**

**Хор:** Свéте Тíхий святýя сла́вы Безсмéртнаго Отцá Небéснаго, Свята́го, Блаже́ннаго, Исýсе Христé! Пришéдше на за́пад сóлнца, ви́девши свет вечер́ний, поём Отцá, Сы́на и Свята́го Дýха, Бóга. Достóин есý во вся временá пет б́ити глáсы преподóбными, Сы́не Бóжий, живóт дай; тэмже мир Тя сла́вит.

**Диáкон:** Вóннем.

**Иерей:** Мир всем.

**Хор:** И дýхови твоёмý.

**ПРОКÍМЕН ВОСКРÉСНЫЙ:**

**Диáкон:** Премýдрость вóннем. Прокíмен, глас **шестýй:**

Госпóдь воцар́ся, в лéпоту облечéся.

**Хор:** Госпóдь воцар́ся, в лéпоту облечéся.

**Диáкон:** Облечéся Госпóдь в сýлу, и препоя́сая.

**Хор:** Госпóдь воцар́ся, в лéпоту облечéся. *(На каждый стих)*

**Стих 2.** И́бо утверди́ вселéнную, я́же не подви́жится.

**Стих 3.** Дóму Твоёмý подобáет святýня, Гóсподи, в долготу́ дней.

**Диáкон:** Госпóдь воцар́ся.

**Хор:** В лéпоту облечéся.

**ЕКТЕНИЯ СУГýБАЯ:**

**Диáкон:** Рцём вси от всея́ душý, и от всегó помышлéния нáшего рцем.

**Хор:** Гóсподи, помýлуй.

**Диáкон:** Гóсподи Вседерж́ителю, Бóже отéц нáших, мóлим Ти ся, услы́ши и помýлуй.

**Хор:** Гóсподи, помýлуй.

**Диáкон:** Помýлуй нас, Бóже, по вели́цей мýлости Твоéй, мóлим Ти ся, услы́ши и помýлуй.

**Хор:** Гóсподи, помýлуй. *(Трижды, на каждое прошение)*

**Диáкон:** Ещé мóлимся о Вели́ком Господíне и Отцé нáшем Святе́йшем Патриáрхе **Кири́лле**, и о Господíне нáшем Высокопреосвящéнейшем митрополíte *(или: архиепýскопе, или: преосвящéнейшем епýскопе **имярек**)*, и всей во Христé брáтии нáшей.

Ещé мóлимся о Богохранímей странé нáшей, властéх и вóинстве ея́, да т́хое и безмóлвное житиé поживём во всяком благочéстии и чистотé.

Ещé мóлимся о блаже́нных и приснопа́мятных создáтелях свята́го хра́ма сегó, и о всех преж-

депочiвших отцéх и брáтиях, зде лежáщих и повсюду, правослáвных.

**Ещё** мóлимся о мiлости, жiзни, мiре, здрáвии, спасéнии, посещéнии, прощéнии и оставлéнии грехóв рабóв Бóжих настоятеля, брáтии и прихóжан святáго хрáма сегó.

**Ещё** мóлимся о плодоносящих и добродéющих во святém и всечестнém хрáме сем, труждающихся, поющих и предстоящих люóдех, ожидающих от Тебé великия и богáтыя мiлости.

**Иерей:** **Яко Мiлостив и Человеколюбец Бог еси, и Тебé славу возсылаем, Отцу и Сыну и Святому Духу, ныне и присно и во веки веков.**

**Хор:** **Ами́нь.**

### **Сподóби, Гóсподи:**

**Хор:** **Сподóби, Гóсподи, в вечер сей без грехá сохранiтися нам. Благословен еси, Гóсподи, Бóже отец наших, и хвáльно и прослáвлено iмя Твое во веки. Ами́нь.**

**Буди, Гóсподи, мiлость Твоя на нас, якоже упóвахом на Тя. Благословен еси, Гóсподи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святы́й, просвети мя оправдании Твоими.**

**Гóсподи, мiлость Твоя во век, дел руку Твоею не презри. Тебé подобáет хвалá, Тебé подобáет пение, Тебé слава подобáет. Отцу и Сыну и Святому Духу, ныне и присно и во веки веков. Ами́нь.**

### **ЕКТЕНIЯ ПРОСИТЕЛЬНАЯ:**

**Диáкон:** **Исполним вечернюю молитву нашу Гóсподеви.**

**Хор:** **Гóсподи, помилуй.**

**Диáкон:** **Заступи, спаси, помилуй и сохрани нас, Бóже, Твоею благодáтию.**

**Хор:** **Гóсподи, помилуй.**

**Диáкон:** **Вечера всего совершенна, свята, мирна и безгрешна у Гóспода просим.**

**Хор:** **Подáй, Гóсподи. (На каждое прошение)**

**Диáкон:** **А́нгела мирна, верна наставника, хранителя душ и телес наших, у Гóспода просим.**

**Прощения и оставления грехов и прегрешений наших у Гóспода просим.**

**Добрых и полезных душам нашим и мира миру у Гóспода просим.**

**Прочее время живота нашего в мире и покаянии скончати у Гóспода просим.**

**Христианския кончины живота нашего, безболéзненны, непостыдны, мирны и дóбраго отвéта на Стрáшнем Судищи Христóве просим.**

**Пресвятую, Пречистую, Преблагословенную, Славную Владычицу нашу Богородицу и Приснодéву Марию, со всеми святыми помянувши, сами себе, и друг друга, и весь живóт наш Христóму Бóгу предадим.**

**Хор:** **Тебé, Гóсподи.**

**Иерей:** **Яко Благ и Человеколюбец Бог еси, и Тебé славу возсылаем, Отцу и Сыну и Святому Духу, ныне и присно и во веки веков.**

**Хор:** **Ами́нь.**

**Иерей:** **Мир всем.**

**Хор:** **И дýхови твоему.**

**Диáкон:** **Главы наша Гóсподеви приклóним.**



**Хор:** Тебé, Гóсподи.

**Иерéй:** Бúди держáва Цáрствiя Твоегó благословéна и препрослáвлена. Отцá и Сына и Святáго Дúха, ныне и прiсно и во вéки векóв.

**Хор:** Амiнь.

**Литiя:**

*Стихiры попрáзднства Преображéния, глас 6, подóбен: «Триднéвен...»:*

Воображся за милосéрдие, Христé,/ во Адáма, пёрваго челове́ка, от Дéвы,/ явился еси́ вторýй Адáм,/ на горé же, Спáсе мой, Фавóрстей преобра- зiлся еси́, // обнажáя Божество́ Твоеó.

Удиви́шася, зря́ще, Твоея́ благодáти лúчшии закóна,/ преображéния, Христé, на горé святéй,/ с нiмиже поклоня́емся Тебé // со Отцём и Бо- жéственным Дúхом.

Просвещáется тварь я́сно/ Твои́м преображéнием, Христé,/ éже Бо- жéственным апóстолом на Фавóре,/ Моисéю же и Или́й, показáл еси́, Бог Сый, // неизречéнно просия́в пáче со́лнца.

*Стихiра попрáзднства Преображéния, глас 5:*

**Слáва Отцú и Сыну и Святóму Дúху и ныне и прiсно и во вéки векóв. Амiнь.**

Закóна и прорóков/ Тя, Христé, Творцá и Исполнiтеля сви- дéтельствоваша,/ зря́ще во óблаце,/ Моисéй Боговiдец и Или́я огнеколес- ни́чник/ и неопáльный небошéственник/ в преображéнии Твоем./ С нiмиже и нас Твоегó просвещéния сподóби, Влады́ко, // пéти Тя во вéки.

**Диáкон:** Спаси́, Бóже, лю́ди Твоя́ и благослови́ достоя́ние Твоеó, посети́ мир Твой мiлостию и щедрóтами, возвы́си рог христиáн правослáвных и низпосли́ на ны мiлости Твоя́ богáтыя, моли́твами всепре- чiстыя Влады́чицы нáшей Богорóдицы и Приснодéвы Марiiи, сiлюю Честнáго и Животворя́щаго Кре- стá, предстáтельствы честных Небéсных Сiл безплóтных, честнáго, слáвнаго прорóка, Предтéчи и Кре- стiтеля Иоáнна, святых слáвных и всехвáльных Апóстол, iже во святых отéц нáших и вселénских ве- ли́ких учiтелей и святiтелей, Васiлия Вели́каго, Григóрия Богослóва и Иоáнна Златоúстаго, iже во святых отцá нáшего Николáя, архиепiскопа Мирликiйскаго, чудотвóрца, святых равноапóстольных Мефóдия и Кири́лла, учiтелей словénских, святых равноапóстольных вели́каго князя Владiмира и вели́кия княгiни Óльги, iже во святых отéц нáших: святiтеля Михаiла, пёрвого митрополiта Кiевского, первосвятiтелей Москóвских и всея́ Русi: Петра́, Алексiя, Ио́ны, Мака́рия, Филиппа, Йо́ва, Ермогéна и Тiхона, митрополiтов Москóвских Филарéта, Иннокéнтiя и Мака́рия. Святых, слáвных и добропобéдных мучеников, новомучеников и исповéдников Россiйских: Владiмира, митрополiта Кiевского, Вениамiна, митрополiта Петроградского, Петра́, митрополiта Крути́цкаго, Илариóна, ар- хиепiскопа Верéйскаго, святых цáрственных страстотéрпцев, преподобномучениц вели́кия княгiни Елисаветы́ и iнокини Варвáры, преподóбных и богонóсных отéц нáших, преподóбных отéц стáрцев Óптинских, святых прáведных Иоáнна Кронштáдтскаго и Алексiя Москóвскаго, святых блажénных Ксéнии Петербúржския и Матрóны Москóвския, святых и прáведных богоотéц Иоакiма и Áнны (**и святаго имярек, его́же есть храм и его́же есть день**), и всех святых. Móлим Тя́, многомiлостиве

Гóсподи, услыши нас, грéшных, молящихся Тебé, и помíлуй нас.

**Хор:** Гóсподи, помíлуй. (40 раз)

**Диáкон:** Ещé молимся о Великом Господiне и отцé нашем Святéйшем Патриáрхе Кирилле, и о господiне нашем преосвящённейшем митрополите (или архиепiскопе, или епископе *имярек*) и о всем во Христé братстве нашем, и о всякой душi христиáнстей, скорбящей же и озлóбленной, мiлости Бóжия и пóмощи трéбующей; о покровéнии града сегó, и живущих в нем, о мiре, и состоянии всего мира; о благостоянии святых Бóжих церквéй; о спасéнии и пóмощи со тщáнием и стрáхом Бóжиим труждающихся и служащих отéц и братий наших; о оставльшихся и во отшéствии сущих; о исцелéнии в нéмоцех лежащих; о успéнии, ослабе, блажённей пáмяти и о оставлéнии грехов всех преждеотшэдших отéц и братий наших, зде лежащих и повсюду правослáвных; о избавлéнии пленённых, и о братиях наших во слóужбах сущих, и о всех служащих и служивших во святém храме сем рцем.

**Хор:** Гóсподи, помíлуй. (50 раз)

**Диáкон:** Ещé молимся о ёже сохранiтися граду сему, и святóму храму сему, и всякому граду и странé, от глáда, губительства, трýса, потóпа, огня, мечá, нашéствия иноплемёнников и междоусóбныя брáни; о ёже мiлостиву и благоувéтливу бýти благому и человеколюбивому Бóгу нашему, отвратiти всякий гнев на ны двiжимый, и избáвити ны от належáщего и прáведнаго Своегó прещéния и помíловати ны.

**Хор:** Гóсподи, помíлуй. (Трижды)

**Диáкон:** Ещé молимся и о ёже услышати Гóсподу Бóгу глас молéния нас, грéшных, и помíловати нас.

**Хор:** Гóсподи, помíлуй. (Трижды)

**Иерéй:** Услыши ны, Бóже, Спáсителю наш, уповáние всех концéв землi и сущих в мóри далéче, и мiлостив, мiлостив бýди, Владыко, о гресéх наших, и помíлуй ны. Мiлостив бо и человеколюбец Бог еси, и Тебé слáву возсылаем, Отцý, и Сыну, и Святóму Дýху, ныне и прiсно, и во вéки вéков.

**Хор:** Амiнь.

**Иерéй:** Мир всем.

**Хор:** И дýхови твоему.

**Диáкон:** Главы вáша Гóсподеви приклонiте.

**Хор:** Тебé, Гóсподи.

**Иерéй:** Владыко многомiлостиве, Гóсподи Иисусе Христé, Бóже наш, молитвами всепречiстыя Владычицы нашея Богородицы и Приснодéвы Марии, сiлою Честнáго и Животворящáго Крестá, предстáтельства честных Небесных Сiл безплóтных, честнáго, слáвнаго пророка, Предтечи и Крестiтеля Иоáнна, святых слáвных и всехвáльных Апóстол, iже во святых отéц наших и вселénских великих учителей и святiтелей, Васiлия Великаго, Григорiя Богослóва и Иоáнна Златоустáго, iже во святых отцá нашего Николáя, архиепiскопа Мирликiйскаго, чудотворца, святых равноапóстольных Мефóдия и Кирилла, учителей словénских, святых равноапóстольных великаго князя Владiмира и великия княгiни Óльги, iже во святых отéц наших: святiтеля Михайла, пёрвого митрополита Киéвскаго, первосвятiтелей Москóвских и всея Руси: Петра, Алексiя, Ионы, Макария, Филиппа, Йо́ва, Ермогéна и Тiхона, митрополитов Москóвских Филарéта, Иннокéнтия и Макария. Святых, слáвных и добропобédных мучеников, новомучеников и исповédников Россiйских: Владiмира, митрополита Киéвскаго, Вениамiна, митрополита Петроградского, Петра, митрополита Крутицкаго, Илариóна, архиепiскопа Верéйскаго, святых цáрственных страстотёрпцев, преподобномучениц великия княгiни Елисаветы и iнокини Варвáры, преподобных и богоносных отéц наших, преподобных отéц стáрцев Óптинских, святых прáведных Иоáнна Кронштáдтскаго и Алексiя Москóвскаго, святых блажённых Ксéнии Петербуржския и Матрóны Москóвския, святых и



пáведных богоотéц Иоакiма и Áнны (*и свягáго имярек, егоже есть храм и егоже есть день*), и всех свягáтых. благоприятну сотвори моли́тву нáшу, дáруй нам оставлéние прегрешéний нáших, покрýй нас крóвом крилу́ Твоею, отжени́ от нас всякого врагá и супостáта, умири́ нáшу жизнь. Гóсподи, помiлуй нас и мир Твой, и спаси́ дýши нáша, я́ко благ и человеколóбец.

**Хор:** Ами́нь.

#### СТИХИ́РЫ НА СТИХО́ВНЕ:

**Чтец:** *Стихиры воскресные, глас 2:*

**Стихира:** Воскресéние Твое, Христé Спасе,/ всю просвети́ вселéнную,/ и призвáл еси́ Твое создáние:// Всесильне Гóсподи, слáва Тебé.

**Стих:** **Госпóдь воцарiйся,/ в лéпоту облечéся.**

Дрéвом, Спасе, упраздни́л еси́,/ ю́же от дрéва клятву,/ держáву смéрти погребéнием Твои́м умертви́л еси́,/ просвети́л же еси́ род наш востáнием Твои́м./ Тémже вопи́ем Тебé:// Животода́вче Христé Бóже наш, слáва Тебé.

**Стих:** **И́бо утверди́ вселéнную,/ я́же не подви́жется.**

На крестé я́влься, Христé, пригвожда́емь,/ измени́л еси́ доброту́ здáний:/ и безчеловéчие úбо вóини показýюще,/ копи́ем рéбра Твоя́ прободо́ша,/ евреи́ же печáтати грóба проси́ша,/ Твоя́ вла́сти не веду́ще./ Но за милосéрдие утроб́ Твои́х,/ приéмый погребéние, и триднéвен воскреси́// Гóсподи, слáва Тебé.

**Стих:** **Дóму Твоему́ подобáет святы́ня,/ Гóсподи, в долготу́ дней.**

Животода́вче Христé, волею́ страсть претерпéвый смéртных ráди,/ во ад же снизшéд я́ко си́лен,/ тáмо Твоегó пришéствия ожида́ющия,/ исхитив я́ко от звéря крéпкаго,/ рай вмéсто áда жи́ти даровáл еси́./ Тémже и нам слáвлящим триднéвное Твое востáние,/ дáруй очищéние грехóв,// и вéлию мiлость.

*Стихи́ра попрáзднства, глас 5:*

**Слáва Отцý и Сýну и Свято́му Дýху и ны́не и прiсно и во вéки векóв. Ами́нь.**

Прииди́те, взы́дем на гóру Госпóдню/ и в дом Бóга нáшего/ и úзрим слáву преображéния Егó/ слáву я́ко Единорóднаго от Отцá,/ свéтом приiмем Свет/ и, возвы́шены бiвше духóм,// Трóицу Единосýщную воспóйм во вéки.

#### МОЛИ́ТВА СВЯТÁГО СИМЕО́НА БОГОПРИ́ЙМЦА:

**Хор:** **Ны́не отпуща́еши раба́ Твоегó, Влады́ко,/ по глаго́лу Твоему́, с мiром;/ я́ко видеста́ óчи мой спасéние Твое,/ éже еси́ уготóвал пред лицéм всех люде́й,/ свет во откровéние язы́ков,// и слáву люде́й Твои́х Израiля.**

**Чтец:** **Трисвято́е. Пресвятáя Трóице... Óтче наш...**

**Иерей:** **Я́ко Твое есть Цáрство и си́ла и слáва Отцá и Сýна и Свягáго Дýха, ны́не и прiсно и во вéки векóв.**

**Хор:** Ами́нь.

### ТРОПАРЬ, ГЛАС 4:

**Хор:** Богорóдице Дéво, рáдуйся,/ Благодáтная Марiе, Госпóдь с Тобóю:/ благословéна Ты в женáх/ и благословéн Плод чрéва Твоегó,// яко Спáса роди-  
лá еси душ нáших. *(Дважды)*

### ТРОПАРЬ ПРЕОБРАЖÉНИЯ, ГЛАС 7:

**Хор:** Преобразiлся есi на горé, Христé Бóже,/ показáвый ученикóм Твоим  
слáву Твою,/ я́коже можáху,/ да возсияет и нам, грéшным,/ Свет Твой при-  
сносущный/ молитвами Богорóдицы,// Светодáвче, слáва Тéбе.

### БЛАГОСЛОВÉНИЕ ХЛÉБОВ:

**Диáкон:** Гóсподу помóлимся.

**Хор:** Гóсподи, помiлуй.

**Иерей:** Гóсподи Иисúсе Христé Бóже наш, благословiвый пять хлéбов и пять тýсящ на-  
сытивый, Сам благослови и хлéбы сия, пшеницу, вино и елэй; и умножи сия во граде сем и  
во всем мiре Твоем; и вкушáющыя от них вёрныя освяти. Я́ко Ты еси благословляяй и ос-  
вящáяй вся́ческая, Христé Бóже наш, и Тебé слáву возсылаём, со Безначáльным Твоим От-  
цём, и Всесвятým, и Благим, и Животворящим Твоим Дúхом, ныне и прiсно и во вéки ве-  
кóв.

**Хор:** Амiнь. Бúди Имя Госпóдне благословéно от ныне и до вéка. *(Трижды)*

### ПСАЛОМ 33:

**Хор:** Благословлю Гóспода на всякое врéмя,/ вiну хвалá Егó во устéх моих./ О  
Гóсподе похва́лится душа́ моя,/ да услышат крóтцыи, и возвеселя́тся./ Воз-  
величите Гóспода со мною,/ и вознесём Имя Егó вку́пе./ Взыска́х Гóспода, и  
услыша мя,/ и от всéх скорбéй моих избáви мя./ Приступите к Немú, и про-  
светите́ся,/ и лица ва́ша не постыдýтся./ Сей нищий воззва́, и Госпóдь ус-  
лыша и,/ и от всéх скорбéй егó спасе и./ Ополчiтся áнгел Госпóдень óкрест  
боящихся Егó,/ и избáвит их./ Вкусите и вiдите, я́ко благ Госпóдь:/ блажён  
муж, iже упова́ет Нань./ Бóйтеся Гóспода, всi святii Егó,/ я́ко несть ли-  
шéния боящимся Егó./ Богáтии обнищáша и взалкáша:/ взыска́ющи же  
Гóспода// не лишáтся всякаго блага.

**Иерей:** Благословéние Госпóдне на вас, Тогó благодáтию и человеколю́бием, всегда́, ныне и  
прiсно и во вéки веков.

**Хор:** Амiнь.

### УТРЕНЯ.

### ШЕСТОПСАЛМИЕ:

**Хор:** Сла́ва в вiшних Бóгу, и на земли́ мир, в челове́цех благово́ление. *(Трижды)*  
Гóсподи, устне́ мой отвёрзеши, и уста́ моя́ возвестя́т хвалú Твою́. *(Дважды)*

**Чтец:** Псалом 3, Псалом 37, Псалом 62

**Слáва, и ны́не: Аллилúиа. (Трижды)**

**Гóсподи, помíлуй. (Трижды) Слáва, и ны́не:**

**Псалом 87, Псалом 102, Псалом 142**

**Слáва, и ны́не: Аллилúиа. (Трижды)**

**ВЕЛÍКАЯ ЕКТЕНИЯ:**

**Диáкон:** Мíром Гóсподу помóлимся.

**Хор:** Гóсподи, помíлуй. *(На каждое прошение)*

**Диáкон:** О Свб́шнем мiре и спасéнии душ нáших, Гóсподу помóлимся.

О мiре всегó мiра, благостóянии Святб́их Бóжиих Церквéй и соединéнии всех, Гóсподу помóлимся.

О святém хрáме сем и с вéрою, благоговéнием и стрáхом Бóжиим входящих в онь, Гóсподу помóлимся.

О вели́ком Господiне и Отцé нáшем Святéйшем Патриáрхе **Кири́лле**, и о Господiне нáшем, Высокопреосвящéннейшем митрополiте *(или: архиепiскопе, или: преосвящéннейшем епiскопе **имярек**)*, честнém пресвiтерстве, во Христé диáконстве, о всем прiчте и лúдех, Гóсподу помóлимся.

О Богохранiмей странé нáшей, властéх и вóинстве ея́, Гóсподу помóлимся.

О граде сем *(или о вéси сей)*, вся́ком граде, странé и вéрою живúщих в них, Гóсподу помóлимся.

О благорастворéнии воздúхов, о избóилии плодóв земнб́х и врéменех мiрных, Гóсподу помóлимся.

О плавающих, путешéствующих, недúгующих, страждущих, пленéнных и о спасéнии их. Гóсподу помóлимся.

О избáвится нам от вся́кия скóрби, гнéва и нúжды, Гóсподу помóлимся.

**Заступi, спасi, помíлуй и сохрани́ нас, Бóже, Твоею́ благодáтию.**

**Пресвятúю, Пречiстую, Преблагословéнную, Слáвную Влады́чицу нáшу Богорóдицу и Приснодéву Мари́ю, со все́ми святб́ими помянúвше, сáми себе́ и друг дру́га, и весь живóт наш Христú Бóгу предадiм.**

**Хор:** Тебé, Гóсподи.

**Иерей:** Я́ко подобáет Тебé вся́кая слáва честь и поклонéние, Отцú и Сýну и Святóму Дúху, ны́не и прiсно и во вéки векóв.

**Хор:** Амiнь.

**БОГ ГОСПÓДЬ, ГЛАС 2:**

**Диáкон:** Бог Госпóдь, и явiся нам, благословén Грядб́й во Ё́мя Госпóдне.

**Стих 1:** Исповéдайтесь Гóсподеви, я́ко благ, я́ко в век мiлость Егó.

**Хор:** Бог Госпóдь, и явiся нам, благословén Грядб́й во Ё́мя Госпóдне.

*(И далее на каждый стих)*

**Стих 2:** Обышédше обыдóша мя, и Ё́менем Госпóдним противлэхся им.

**Стих 3:** Не умрú, но жив бúду, и повém делá Госпóдня.

**Стих 4:** Кáмень, Егóже небрегóша зиждущии, Сей бысть во главú úгла, от Гóспода бысть Сей, и есть дiвен во очесéх нáших.

**ТРОПÁРЬ ВОСКРÉСНЫЙ, ГЛАС 2:**

**Хор:** Егдá снизшél есi к смёрти, Животé Безсмёртный,/ тогдá ад умертвiл есi блистáнием Божествá./ Егдá же и умёршыя от преиспóдных воскресiл есi,/ вся Сiлы Небéсныя взывáху:// Жизнодáвче, Христé Бóже наш, слáва Тебé. *(Дважды)*

**Слáва Отцú и Сýну и Святóму Дúху.**

**ТРОПАРЬ ПРМЧ. ДОМЕТIЯ, ГЛАС 4:**

Пóстнически предподвизáвся на горé,/ úмная врагóв ополчéния/ все-  
орúжием Крестá погуби́л еси́, всеблажéнне./ Пáки же ко страдáльчеству  
мúжески облéклся еси́,/ убíв Копронiма мечém вéры,/ и обоiх рáди вен-  
чáлся еси́ от Бóга, // преподобномúчениче Дометiе приснопáмятне.

**И ны́не и прiсно и во вéки векóв. Амiнь.**

**ТРОПАРЬ ПРЕОБРАЖÉНИЯ, ГЛАС 7:**

Преобразiлся еси́ на горé, Христé Бóже,/ показáвый ученикóм Твоiм  
слáву Твою́,/ я́коже можáху,/ да возсияет и нам, грéшным,/ Свет Твой при-  
сносúщенный/ молiтвами Богорóдицы, // Светодáвче, слáва Тéбе.

**КАФIЗМЫ:**

**Хор:** Гóсподи, помiлуй. *(Трижды)*

Слáва Отцú и Сýну и Святóму Дúху.

**Чтец:** И ны́не и прiсно и во вéки векóв. Амiнь.

**КАФIЗМА ВТОРА́Я:**

**Псалóм 9:**

Исповéмся Тебé, Гóсподи, всем сéрдцем моiм, повéм вся чудесá Твоя́. Возвеселю́ся и возра́дуюся о Тебé, поiю iмени Твоемú, Вы́шний. Внегда́ возвратiтся врагú моему́ вспя́ть, изнемо́гут и погiбнут от лица́ Твоегó. Я́ко сотвори́л еси́ суд мой и прю́ мою́, сел еси́ на Престóле, судяй прáвду. Запрети́л еси́ язýком, и погiбе нечес-тiвый, iмя егó потреби́л еси́ в век и в век вéка. Врагú оскудéша ору́жия в конéц, и гра́ды разруши́л еси́, погiбе пáмять егó с шúмом. И Госпóдь во век пребывáет, уго-тóва на суд Престóл Свой, и Той судiти iмать вселénней в прáвду, судiти iмать лю́дем в правотé. И бысть Госпóдь прибéжище убóгому, помощник во благо-врéмениих, в скóрбех. И да упováют на Тя знáющие iмя Твое́, я́ко не оста́вил еси́ взыскáющих Тя, Гóсподи. Пóйте Гóсподеви, живúщему в Сиóне, возвестiте во язýцех начинáния Егó, я́ко взыскáяй крóви их помяну́, не забý звáния убóгих. Помiлуй мя, Гóсподи, виждь смирéние моé от враг моiх, вознося́й мя от врат смéртных, Я́ко да возвещú вся хвалы́ Твоя́ во вратéх дщéре Сиóни, возра́дуемся о спасéнии Твоем. Углебóша язýцы в пáгубе, ю́же сотвори́ша, в сéти сей, ю́же скрýша, увязé ногá их. Знáемь есть Госпóдь судьбы́ творяй, в дéлах рукú своéю увязé грéшник. Да возвратятсá грéшницы во ад, вси язýцы забывáющие Бóга. Я́ко не до концá забвén бúдет ни́щий, терпéние убóгих не погiбнет до концá. Воскресни́, Гóсподи, да не крепiтся человек, да сýдятся язýцы пред Тобóю. Поста́ви, Гóсподи, законоположiтеля над нiми, да разумéют язýцы, я́ко челове́цы суть. Вскúю,

Господи, отстоя́ далéче, презира́еши во благовре́мениих, в скорбех? Внегда́ гордiтися нечестiвому, возгара́ется нiщий, увязáют в советех, яже помышля́ют. Яко хвали́мь есть грешный в по́хотех души́ своея́, и обiдяй благослови́мь есть. Раздражí Господа грешный, по множеству́ гнéва своегó не взы́щет, несть Бóга пред ним. Оскверня́ются пути́е егó на всяко́ время, отъёмлю́тся судьбы́ Твоя́ от лица́ егó, все́ми враги́ своими́ облада́ет. Рече́ бо в се́рдце своём, не подви́жуся от ро́да в род без зла, егóже кля́твы уста́ егó полна́ суть, и горести́ и льсти́, под язы́ком егó труд и болéзнь. Приседíт в ловiтельстве с богáтыми в тáйных, е́же убiти неповiннаго, óчи егó на нiщаго призира́ете. Ловiт в тáйне я́ко лев во огра́де свое́й, ловiт е́же восхитити́ нiщаго, восхитити́ нiщаго, внегда́ привлещí и в се́ти свое́й. Смирiт егó, преклóнится и падéт, внегда́ ему́ облада́ти убо́гими. Рече́ бо в се́рдце своём: забы́ Бог, отврати́ лице́ Своё, да не вiдит до концá. Воскресни́, Господи́ Бóже мой, да вознесéтся рука́ Твоя́, не забуди́ убо́гих Твои́х до концá. Чесó рáди прогнéва нечестiвый Бóга? Рече́ бо в се́рдце своём: не взы́щет. Вiдиши, я́ко Ты болéзнь и я́рость смотре́еши, да прéдан б́дет в рúце Тво́й, Тебé оста́влен есть нiщий, сiру Ты б́ди помóщник. Сокруши́ мы́шцу грешному́ и лука́вому, взы́щется грех егó и не обря́щется. Господь́ Царь во век и в век вéка, погiбнете, язы́цы, от земли́ Егó. Желáние убо́гих услы́шал еси́, Господи́, уготóванию се́рдца их внят úхо Твоё. Суди́ сiру и смире́ну, да не приложiт ктому́ величáтися человек на земли́.

**Псалóм 10:**

**На** Господа́ упова́х, ка́ко рече́те души́ мое́й: превита́й по горáм, я́ко пти́ца? Я́ко се, грешницы́ налякóша лук, уготóваша стрéлы в ту́ле, состреля́ти во мра́це правы́я се́рдцем. Занé я́же Ты соверши́л еси́, онí разруши́ша, праведник же что сотвори́? Господь́ во хра́ме святéм Своём. Господь́, на Небеси́ Престо́л Егó, óчи Егó на нiщаго призира́ете, вéжди Егó испытáете сы́ны челове́ческа. Господь́ испытáет праведнаго и нечестiваго, любя́й же неправду́ ненавiдит свою́ дýшу. Одождíт на грешники́ се́ти, огонь и жупел, и дух б́урен часть ча́ши их. Я́ко праведен Господь́, и правды́ возлюбí, правоты́ вiде лице́ Егó.

**Чтец:** **С**ла́ва Отцу́ и Сы́ну и Свято́му Дýху.

**Хор:** **И** ны́не и прiсно и во вéки веко́в. **А**ми́нь.

**А**ллилу́иа, аллилу́иа, аллилу́иа, сла́ва Тебé Бóже. *(Трижды)*

**Г**осподи́, помiлуй. *(Трижды)*

**С**ла́ва Отцу́ и Сы́ну и Свято́му Дýху.

**Чтец:** **И** ны́не и прiсно и во вéки веко́в. **А**ми́нь.

**Псалóм 11:**

**С**паси́ мя, Господи́, я́ко оскуде́ преподóбный, я́ко умáлишася iстины от

сынóв человéческих. Сýетная глагóла кйждо ко йскреннему своему, устнé льстiвыя в сёрдце, и в сёрдце глагóлаша злáя. Потребiт Госпóдь вся устнi льстiвыя, язык велерéчивый, рéкшыя: язык наш возвелiчим, устнi нáша при нас суть, кто нам Госпóдь есть? Стрáсти рáди нiщих и въздыхáния убóгих ныне воскреснóу, глагóлет Госпóдь, положóуся во спасéние, не обвинóуся о нем. Словесá Госпóдня словесá чiста, сребрó разжжéно, искушéно землi, очищéно седмерiцею. Ты, Гóсподи, сохраниши ны и соблюдéши ны от рóда сегó и во век. Óкрест нечестiвии хóдят, по высотé Твоéй умнóжил еси сыны человéческия.

**Псалóм 12:**

**Докóле, Гóсподи, забóудеши мя до концá? Докóле отвращáеши лицé Твоé от менé? Докóле положóу совéты в душi моéй, болéзни в сёрдце моём день и ночь? Докóле вознесётся враг мой на мя? Призри, услыши мя, Гóсподи Бóже мой, просветi óчи мой, да не когдá уснóу в смерть, да не когдá речёт враг мой, укрепiхся на негó. Стужáющие ми возрадуются, áще подвижуся. Аз же на мiлость Твою уповáх, возрадуется сёрдце моё о спасéнии Твоём, воспою Гóсподеви благодéявшему мне и пою iмени Гóспода Вышняго.**

**Псалóм 13:**

**Речé безóмен в сёрдце своём: несть Бог. Растлéша и омерзiшася в начинáниях, несть творяй благостiню. Госпóдь с Небесé принiче на сыны человéческия, видети, áще есть разумевáяй или взыскáяй Бóга. Всеи уклонiшася, вкóупе неключiми быша: несть творяй благостiню, несть до едiнаго. Ни ли уразумеют все дéлающие беззакóние, снадáющие люди моя в снадь хлéба? Гóспода не призвáша. Тáмо убояшася стрáха, идéже не бе страх, яко Госпóдь в рóде прáведных. Совéт нiщаго посрамiсте, Госпóдь же уповáние егó есть. Кто даст от Сиóна спасéние Израiлево? Внегдá возвратiт Госпóдь пленéние людéй Своиx, возрадуется Иáков, и возвеселiтся Израiль.**

**Чтец:** **Слáва Отцú и Сыну и Святому Дóху.**

**Хор:** **И ныне и прiсно и во вéки векóв. Аминь.**

**Аллилуиá, аллилуиá, аллилуиá, слáва Тебé Бóже. (Трижды)**

**Гóсподи, помiлуй. (Трижды)**

**Слáва Отцú и Сыну и Святому Дóху.**

**Чтец:** **И ныне и прiсно и во вéки векóв. Аминь.**

**Псалóм 14:**

**Гóсподи, кто обитáет в жилищи Твоём? Или кто вселiтся во святóую гóру Твою? Ходяй непорóчен и дéлаяй прáвду, глагóляй iстину в сёрдце своём. Иже**



не ульстí язýком своим и не сотвори́ искреннему своему́ зла, и поношéния не при́ят на блíжния своя́. Уничижéн есть пред ним лука́внуяй, боя́щяся же ся Гóспода сла́вит, кленýйся искреннему своему́ и не отметáйся. Сребра́ своего́ не даде́ в ли́хву и мзды на неповiнных не при́ят. Твори́ сия́ не подви́жится во век.

**Псалóм 15:**

**Сохрани́ мя, Гóсподи, я́ко на Тя упова́х. Рех Гóсподеви: Господь мой еси́ Ты, я́ко благiх моих не трéбуеши. Святiм, iже суть на земли́ Егó, удивí Господь вся хотéния Своя́ в них. Умно́жишася нéмощи их, по сих ускори́ша: не соберу́ собóры их от кровей, ни помяну́ же имён их устна́ма моима. Господь часть достоя́ния моего́ и ча́ши моея́, Ты еси́ устроя́я достоя́ние моё мне. У́жя нападо́ша ми в держа́вных моих, iбо достоя́ние моё держа́вно есть мне. Благословлю́ Гóспода, вразумiвшаго мя, ещё́ же и до но́щи нака́заша мя утробы́ моя́. Предзрэх Гóспода предо мно́ю ви́ну, я́ко одесну́ю мене́ есть, да не подви́жуся. Сего́ ра́ди возвесели́ся се́рдце моё, и возра́довася язýк мой, ещё́ же и плоть моя́ вселiтся на упова́нии. Я́ко не оста́виши ду́шу мою́ во áде, ниже́ да́си преподóбному Твоему́ ви́дети истлéния. Сказáл ми еси́ путi животá, испóлниши мя весéлия с лицём Твоим, красота́ в десни́це Твоёй в конéц.**

**Псалóм 16:**

**Услы́ши, Гóсподи, пра́вду мою́, вонми́ молéнию моему́, внуши́ моли́тву мою́ не во устна́х льстiвых. От лица́ Твоего́ судьба́ моя́ изы́дет, óчи мои́ да ви́дита правоты́. Искусíл еси́ се́рдце моё, посетíл еси́ но́щию, искусíл мя еси́, и не обрётеся во мне неправда. Я́ко да не возглабóлют уста́ моя́ дел челове́ческих, за словеса́ устен Твои́х аз сохрани́х путi жéстоки. Соверши́ стопы́ моя́ во стезя́х Твои́х, да не подви́жутся стопы́ моя́. Аз воззва́х, я́ко услы́шал мя еси́, Бóже, приклони́ úхо Твоё мне и услы́ши глагóлы моя́. Удивí мiлости Твоя́, спаса́яй упова́ющяся на Тя от протiвлящихся десни́це Твоёй. Сохрани́ мя, Гóсподи, я́ко зéницу óка, в крóве крилу́ Твоёю покрýеши мя. От лица́ нечестiвых остра́стших мя, врази́ мои́ ду́шу мою́ одержáша. Тук свой затвори́ша, уста́ их глагóлаша горды́ню. Изгоня́щии мя ны́не обыдо́ша мя, óчи свои́ возложи́ша уклони́ти на зéмлю. Объя́ша мя я́ко лев гото́в на лов и я́ко скiмен обита́яй в та́йных. Воскресни́, Гóсподи, предвари́ я́ и запни́ им, изба́ви ду́шу мою́ от нечестiваго, ору́жие Твоё от враг руки́ Твоея́, Гóсподи, от ма́лых от земли́, разделi я́ в животé их, и сокровéнных Твои́х испóлнися чре́во их, насы́тишася сынóв, и оста́виша оста́нки младéнцем своим. Аз же пра́вдою явлю́ся лицу́ Твоему́, насы́щуся, внегда́ яви́ти ми ся сла́ве Твоёй.**

**Чтец:** **Сла́ва Отцу́ и Сы́ну и Свято́му Ду́ху и ны́не и прiсно и во ве́ки веко́в. Ами́нь.**  
**Аллилу́иа, аллилу́иа, аллилу́иа, сла́ва Тебе́ Бóже. (Трижды)**

## ЕКТЕНIЯ МАЛАЯ

**Диáкон:** Пáки и пáки мiром Гóсподу помóлимся.

**Хор:** Гóсподи, помiлуй.

**Диáкон:** Заступi, спасi, помiлуй и сохрани нас, Бóже, Твоею благодáтию.

**Хор:** Гóсподи, помiлуй.

**Диáкон:** Пресвятую, Пречiстую, Преблагословенную, Слáвную Владiчицу нашу Богородицу и Приснодéву Марию, со всеми святiми помянуvше, сáми себе и друг друга, и весь живóт наш Христóу Бóгу предадим.

**Хор:** Тебé, Гóсподи.

**Иерей:** Яко Твоя держава и Твое есть Цáрство, и сила, и слава, Отцá, и Сына, и Святаго Дóуха, ныне и прiсно, и во вéки веков.

**Хор:** Амiнь.

## СЕДАЛЬНЫ ВОСКРЕСНЫЕ, ГЛАС 2:

Благообразный Иóсиф,/ с дрéва снем Пречiстное Твое тéло,/ плащаницею чiстою обвив,/ и благоухáньми во грóбе нóве закрыв положи,/ но триднéвен воскресл еси, Гóсподи, // подай мiрови вéлию мiлость.

**Стих:** **Воскресни Гóсподи Бóже мой, да вознесётся рука Твоя,/ не забуди убóгих Твоих до концá.**

Миронóсицам женам при грóбе предстáв Áнгел вопияше:/ мiра мёртвым суть прилiчна,/ Христóс же истлéния явился чуждь./ Но возопийте: воскресе Господь, // подай мiрови вéлию мiлость.

**Слáва Отцóу и Сыну и Святóму Дóуху и ныне и прiсно и во вéки веков. Амiнь.**

**Богородичен:** Вся пáче смýсла,/ вся преслáвная Твоя, Богородице, таинства,/ чистотé запечатанной и дéвству храниму,/ Мáти позналася еси нелóжна,/ Бóга рóждши Истиннаго; // Тогó моли спастися душáм нашим.

**Хор:** Гóсподи, помилуй. *(Трижды)*

**Слáва Отцóу и Сыну и Святóму Дóуху.**

**Чтец:** И ныне и прiсно и во вéки веков. Амiнь.

## КАФИЗМА ТРÉТЬЯ:

### Псалóм 17:

Возлюблю Тя, Гóсподи, крепосте моя. Господь утверждéние моё, и прибежище моё, и Избáвитель Мой, Бог мой, Помóщник мой, и уповаю на Него, Защiтитель мой, и рог спасéния моего, и Застóпник мой. Хваля призовóу Гóспода и от враг моих спасýся. Одержáша мя болéзни смёртныя, и потóцы беззакóнныя смятóша мя, болéзни áдовы обыдóша мя, предвариша мя сéти смёртныя. И внегда скорбéти ми, призвах Гóспода, и к Бóгу моему воззвах, услыша от храма Святаго Своего глас мой, и вопль мой пред Ним внидет во

ўши Егó. И подвiжесе, и трéпетна бысть земля, и основáния гор смятóшася и подвигóшася, я́ко прогнэвася на ня Бог. Взýде дым гнэвом Егó, и огонь от лицá Егó восплáменится, ўглие возгорéся от Негó. И приклонí небесá, и снiде, и мрак под ногáма Егó. И взýде на Херувiмы, и летé, летé на крилú ветреню. И положи́ тму закрóв Свой, óкрест Егó селéние Егó, темнá водá во óблацех воздушных. От облистáния пред Ним óблацы проидóша, град и ўглие óгненное. И возгремé с Небесé Госпóдь и Вiшний даде́ глас Свой. Низпослá стрéлы и разгнá я, и мóлнии умнóжи и смятé я. И явiшася истóчницы воднии, и открьiшася основáния вселénныя, от запрещéния Твоегó, Гóсподи, от дохновéния дýха гнэва Твоегó. Низпослá с высотý, и прият мя, восприят мя от вод мнóгих. Избáвит мя от врагóв моiх сiльных и от ненавiдящих мя, я́ко утвердiшася пáче менé. Предварiша мя в день озлоблéния моего́, и бысть Госпóдь утвержéние моé. И изведé мя на широтú, избáвит мя, я́ко восхотé мя. И возда́ст ми Госпóдь по правде моéй и по чистотé рукú моéю возда́ст ми. Я́ко сохрани́х путí Госпóдни и не нечéствовах от Бóга моего́. Я́ко вся судьбi Егó предо мною́ и оправдáния Егó не отступiша от менé. И бúду непорóчен с Ним, и сохраню́ся от беззакóния моего́. И возда́ст ми Госпóдь по правде моéй и по чистотé рукú моéю пред очiма Егó. С преподóбным преподóбен бúдeши, и с мýжем неповiнным неповiнен бúдeши, и со избрáнным избрáн бúдeши, и со строптiвым развратiшися. Я́ко Ты люди смирénныя спасéши и óчи гóрдых смириши. Я́ко Ты просветиши светiльник мой, Гóсподи, Бóже мой, просветиши тму мою́. Я́ко Тобóю избáвлюся от искушéния и Бóгом моим прейдú стéну. Бог мой, непорóчен путь Егó, словесá Госпóдня разжжéна, Защи́титель естъ всех уповáющих на Негó. Я́ко кто бог, рáзве Гóспода? или́ кто бог, рáзве Бóга нáшего? Бог препоясúй мя сiлою, и положи́ непорóчен путь мой. Совершáй нóзе мой, я́ко елэни, и на высóких поставля́й мя. Научáй рúце мой на брань, и положи́ есi лук мéдян мýшца моя́. И дал ми есi защи́ение спасéния, и десни́ца Твоя́ восприят мя, и наказáние Твое́ испрáвит мя в конéц, и наказáние Твое́ то мя научiт. Уширiл есi стопы́ моя́ подо мною́, и не изнемогóсте плеснé мой. Поженú врагí моя́, и постiгну я, и не возвращúся, дóндеже скончáются. Оскорблú их, и не возмóгут стáти, падúт под ногáма мойма. И препоясал мя есi сiлою на брань, спял есi вся востаю́щыя на мя под мя. И врагóв моiх дал ми есi хребéт, и ненавiдящыя мя потребiл есi. Воззвáша, и не бе спасáй: ко Гóсподу, и не услы́ша их. И истню́ я́ я́ко прах пред лицéм ветрá, я́ко брéние путéй поглáжду я́. Избáвиши мя от пререкáния людéй, постáвиши мя во главú язýков. Людие, iхже не ведех, работаша ми. В

слух уха послушаша мя. Сынове чуждїи солгаша ми. Сынове чуждїи обещаша и охромаша от стезь свойх. Жив Господь, и благословен Бог, и да вознесется Бог спасения моего. Бог дай отщение мне и покоривый люди под мя. Избавитель мой от враг моих гневливых, от востающих на мя вознеси мя, от мужа неправедна избавиши мя. Сего ради исповемся Тебе во языцех, Господи, и имени Твоему пою: величаяй спасения царева, и творяй милость христу Своему Давиду, и семени его до века.

**Чтец:** Слава Отцу и Сыну и Святому Духу.

**Хор:** И ныне и присно и во веки веков. **Аминь.**

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

**Чтец:** И ныне и присно и во веки веков. **Аминь.**

**Псалом 18:**

Небеса поведают славу Божию, творение же руку Его возвещает твердь. День дни отрыгает глагол, и ночь ночи возвещает разум. Не суть речи, ниже словеса, ихже не слышатся гласи их. Во всю землю изыде вещание их и в концы вселенныя глаголы их. В солнце положи селение Свое, и Той, яко Жених исходяй от чертога Своего, возрадуется, яко Исполн теши путь. От края небес исход Его, и сретение Его до края небес, и несть иже укрывается теплоты Его. Закон Господень непорочен, обращая души, свидетельство Господне верно, умудряющее младенцы. Оправдания Господня права, веселящая сердце, заповедь Господня светла, просвещающая очи. Страх Господень чист, пребываяй в век века: судьбы Господни истинны, оправданы вкупе, вожделенны паче злата и камене честна многа, и слаждша паче меда и сота. Ибо раб Твой хранит я, внемгда сохранити я, воздаяние много. Грехопадения кто разумет? От тайных моих очисти мя, и от чуждых пощади раба Твоего, аще не обладают мною, тогда непорочен буду и очыщуся от греха велика. И будут во благоволение словеса уст моих, и поучение сердца моего пред Тобою вину, Господи, Помощниче мой и Избавителю мой.

**Псалом 19:**

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе

Госпóдь христá Своегó, услýшит егó с Небесé Святаго Своегó, в сiлах спасéние десни́цы Егó. Си́и на колесни́цах, и си́и на кóнех, мы же во iмя Гóспода Бóга нáшего призовéм. Ти́и спя́ти бýша и падóша, мы же востáхом и испрáвихомся. Гóсподи, спаси́ царя́ и услýши ны, вóньже áще день призовéм Тя.

**Псалóм 20:**

Гóсподи, сiлою Твоёю возвеселiтся царь и о спасéнии Твоём возра́дуется зелó. Желáние сёрдца егó дал еси́ ему́, и хотéния устнý егó неси лишiл егó. Яко предварiл еси́ егó благословéнием благостýнным, положил еси́ на главé егó венéц от кáмене чéстна. Животá просiл есть у Тебé, и дал еси́ ему́ долготу́ дней во век вéка. Вéлия слáва егó спасéнием Твоим, слáву и велелéние возложiши на негó. Яко дáси ему́ благословéние во век вéка, возвеселiши егó рáдостью с лицём Твоим. Яко царь уповáет на Гóспода, и мiлостью Вы́шняго не подви́жится. Да обрýщется рука́ Твоя́ всем врагóм Твоим, десни́ца Твоя́ да обрýщет вся ненавiдящыя Тебé. Яко положи́ши их яко пещь óгненную во врéмя лица́ Твоегó, Госпóдь гнёвом Своим смятёт я́, и снёсть их огонь. Плод их от земли́ погуби́ши, и сéмя их от сынóв человéческих. Яко уклонiша на Тя злáя, помiслиша совéты, ихже не возмóгут составити. Яко положи́ши я́ хребét, во избы́тцех Твоих уготóвиши лице́ их. Вознесiся, Гóсподи, сiлою Твоёю, воспоём и поём сiлы Твоя́.

**Чтец:**      **Слáва Отцý и Сýну и Свято́му Дýху.**

**Хор:**        **И ны́не и прiсно и во вéки векóв. Амiнь.**

**Аллилу́иа, аллилу́иа, аллилу́иа, слáва Тебé Бóже. (Трижды)**

**Гóсподи, помiлуй. (Трижды)**

**Слáва Отцý и Сýну и Свято́му Дýху.**

**Чтец:**      **И ны́не и прiсно и во вéки векóв. Амiнь.**

**Псалóм 21:**

Бóже, Бóже мой, вонми́ ми, вскýю оста́вил мя еси́? Далéче от спасéния моего́ словеса́ грехопадéний моих. Бóже мой, воззову́ во дни, и не услýшиши, и в но́щи, и не в безúмие мне. Ты же во Святе́м живéши, хвалó Израiлева. На Тя уповáша отцы́ нáши, уповáша и избáвил еси́ я́. К Тебé воззвáша, и спасóшася, на Тя упова́ша, и не постыдéшася. Аз же есмь червь, а не человек, поношéние человекóв и уничижéние людéй. Все видя́щие мя поругáша ми ся, глаго́лаша устна́ми, покива́ша главо́ю: уповá на Гóспода, да избáвит егó, да спасёт егó, яко хóщет егó. Яко Ты еси́ истóргий мя из чрэва, уповáние моé от сосцý мáтере моея́. К Тебé привёржен есмь от ложéсн, от чрэва мáтере моея́ Бог мой еси́ Ты. Да не отстýпиши от менé, яко скорбь близ, яко несть помога́й ми. Обыдо́ша мя тельцы́ мно́зи, юнцы́

тúчнии одержáша мя. Отверзóша на мя устá своя, я́ко лев восхищáяй и рыкáяй. Я́ко водá изли́хся, и разсы́пашася вся кóсти моя́, бысть сёрдце моё́ я́ко воск, тáяй посреде́ чре́ва моего́. Ё́зше я́ко скуде́ль крéпость моя́, и язýк мой прильпé гор-тáни моему́, и в персть смёрти свел мя еси́. Я́ко обыдóша мя пси мно́зи, сонм лука́вых одержáша мя, ископáша рúце мой и нóзе мой. Исчетóша вся кóсти моя́, тii же смотри́ша и презрéша мя. Раздели́ша рiзы моя́ себе́, и о оде́жди мое́й метáша жрéбий. Ты же, Гóсподи, не удали́ по́мощь Твою́ от мене́, на заступлéние моё́ вонми́. Избáви от ору́жия дúшу мою́, и из руки́ пéсии единорóдную мою́. Спаси́ мя от уст львóвых и от рог единорóжь смире́ние моё́. Повéм iмя Твое́ бра́тии мое́й, посреде́ цёркве воспою́ Тя. Боя́щиися Гóспода, восхвалите́ Егó, все сéмя Иáковле, прослáвите Егó, да убойтсá же от Него́ все сéмя Изра́илево. Я́ко не уничи́ж, ниже́ негодова́ моли́твы ни́щаго, ниже́ отврати́ лице́ Своё́ от мене́, и егда́ воззва́х к Немú, услы́ша мя. От Тебе́ похвалá моя́, в цёркви вели́цей исповéмся Тебе́, моли́твы моя́ возда́м пред боя́щимися Егó. Яды́т убóзии и насы́тятся, и восхва́лят Гóспода взыска́ющии Егó, живá бúдут сердца́ их в век вéка. Помяну́тся и обратя́тся ко Гóсподу вси концы́ земли́, и поклóнятся пред Ним вся отéчествия язýк. Я́ко Госпóдне есть цáрствие, и Той облада́ет язýки. Ядóша и поклони́шася вси тúчнии земли́, пред Ним припадúт вси низходя́щии в зéмлю, и душá моя́ Тому́ живёт. И сéмя моё́ порабо́тает Ему́, возвести́т Гóсподеви род грядúщий. И возвестя́т правду Егó лю́дем рóждшымся, я́же сотвори́ Госпóдь.

**Псалóм 22:**

**Г**оспóдь пасёт мя, и ничтóже мя лишiт. На мéсте злáчне, тáмо всели́ мя, на водé покóйне воспита́ мя. Дúшу мою́ обрати́, наста́ви мя на стези́ правды, iмене́ рáди Своего́. А́ще бо и пойду́ посреде́ сéни смёртныя, не убою́ся зла, я́ко Ты со мно́ю еси́, жезл Твой и пáлица Твоя́, та мя утéшиста. Угото́вал еси́ предо мно́ю трапéзу сопротiв стужáющим мне, ума́стил еси́ елéом главú мою́, и чáша Твоя́ упоявáющи мя, я́ко держáвна. И мiлость Твоя́ поженёт мя вся дни животá моего́, и ё́же всели́ти ми ся в дом Госпóдень, в долготу́ дней.

**Псалом 23:**

**Г**оспóдня земля́, и исполнéние ея́, вселéнная и вси живу́щии на ней. Той на моря́х основáл ю́ есть, и на река́х угото́вал ю́ есть. Кто взы́дет на гóру Госпóдню? или́ кто стáнет на мéсте святéм Егó? Неповiнен рука́ма и чист сёрдцем, iже не прия́т всúе дúшу свою́, и не клéются лéстию iскреннему́ своему́. Сей приiмет благословéние от Гóспода, и мiлостыню́ от Бóга, Спáса своего́. Сей род iщущих Гóспода, iщущих лице́ Бóга Иáковля. Возми́те врата́ кня́зи вáша, и возми́теся врата́ вéчная, и вни́дет Царь сла́вы. Кто есть сéй Царь



слáвы? Госпóдь крéпок и сiлен, Госпóдь сiлен в брáни. Возмiте вратá князи вáша, и возмiтeся вратá вéчная, и внiдет Царь слáвы. Кто есть сéй Царь слáвы? Госпóдь сил, Той есть Царь слáвы.

**Чтец:**        **Слáва Отцú и Сýну и Святóму Дúху и ны́не и прiсно и во вéки векóв. Амiнь.**  
**Аллилуiа, аллилуiа, аллилуiа, слáва Тебé Бóже. (Трижды)**

**ЕКТЕНИЯ МАЛАЯ:**

**Диáкон:**    **Пáки и пáки мiром Гóсподу помóлимся.**

**Хор:**        **Гóсподи, помiлуй.**

**Диáкон:**    **Заступi, спасi, помiлуй и сохрани нас, Бóже, Твоею благодáтию.**

**Хор:**        **Гóсподи, помiлуй.**

**Диáкон:**    **Пресвятúю, Пречiстую, Преблагословéнную, Слáвную Владычицу нáшу Богородицу и Приснодéву Марию, со всеми святými помяну́вше, сáми себé и друг дрúга, и весь живóт наш Христú Бóгу предадiм.**

**Хор:**        **Тебé, Гóсподи.**

**Иерей:**     **Яко Благ и Человеколóбец Бог есi, и Тебé слáву возсылаем, Отцú, и Сýну, и Святóму Дúху, ны́не и прiсно, и во вéки векóв.**

**Хор:**        **Амiнь.**

**СЕДАЛЬНЫ ВОСКРЕСНЫЕ, ГЛАС 2:**

**Кáмень грóбный запечатати не возбранiв,/ кáмень вéры воскрес подал есi всем, // Гóсподи, слáва Тебé.**

**Стих:**        **Исповéмся Тебé Гóсподи всем сéрдцем моiм,/ повéм вся чудесá Твоя.**

**Ученикóв Твои́х лик с миронóсицами жена́ми радуется соглáсно:/ óбщий бо прáздник с нiми прáзднуют,/ в слáву и честь Твоегó Воскресéния./ И те́ми вопиéм Ти, Человеколóбче Гóсподи:// лю́дем Твои́м пода́ждь вéлию мiлость.**

**Слáва Отцú и Сýну и Святóму Дúху и ны́не и прiсно и во вéки векóв. Амiнь.**

**Богородичен:** **Преблагословéна есi, Богородице Дéво,/ Воплóщшим бо ся из Тебé ад пленiся,/ Ада́м воззва́ся,/ кля́тва потребiся,/ Ёва свободiся,/ смерть умертви́ся, и мы ожiхом./ Тем воспева́юще вопиéм:/ благословéн Христóс Бог, // благоволи́вый тáко, слáва Тебé.**

**ПОЛИЕЛÉЙ <sup>1</sup>:**

**Хор:**        **Хвалiте И́мя Госпóдне, хвалiте, рабi Гóспода.**

**Аллилуiа, аллилуiа, аллилуiа.**

**Благословéн Госпóдь от Сиóна, живiй во Иерусали́ме.**

**Аллилуiа, аллилуiа, аллилуiа.**

---

<sup>1</sup> По уставу положено пение Непорочных (118-й псалом (17-я кафизма) на 5-й глас, независимо от недельного гласа, и сразу после него тропари «Ангельский собор...».)

В приходской практике вместо Непорочных на воскресных всенощных бдениях обычно поется полиелей.

**Исповéдайтесь Гóсподеви, я́ко Благ, я́ко в век мiлость Егó.**

**Аллилу́иа, аллилу́иа, аллилу́иа.**

**Исповéдайтесь Бóгу Небéсному, я́ко в век мiлость Егó.**

**Аллилу́иа, аллилу́иа, аллилу́иа.**

**ТРОПАРИ ВОСКРЕСНЫЕ, ГЛАС 5:**

**Хор:** **Благословéн еси́, Гóсподи,/ научи́ мя оправдáнием Твои́м./**

**Ангельский собóр удивiся,/ зря́ Тебé в мёртвых вменiвшася,/ смёртную же, Спáсе, крéпость разорiша,/ и с Собóю Адáма воздвiгша, // и от ада вся свобождша.**

**Благословéн еси́, Гóсподи,/ научи́ мя оправдáнием Твои́м./**

**Почтó мiра с мiлостивными слезáми,/ о учени́цы растворя́ете?/ Блиста́йся во грóбе áнгел/ миронóсицам вещáше:/ вiдите вы грóб и уразу-мéйте, // Спас бо воскресе́ от грóба.**

**Благословéн еси́, Гóсподи,/ научи́ мя оправдáнием Твои́м./**

**Зелó рáно миронóсицы течáху/ ко грóбу Твоему́ рыдáющия,/ но предстá к ним áнгел, и рече́:/ рыдáния вре́мя престá, не пла́чите, // воскресéние же апóстолом рцýте.**

**Благословéн еси́, Гóсподи,/ научи́ мя оправдáнием Твои́м./**

**Миронóсицы жены́, с мiры пришédша/ ко грóбу Твоему́, Спáсе, рыдáху,/ áнгел же к ним рече́, глагóля:/ что с мёртвыми Живáго помышля́ете? // Я́ко Бог бо воскресе́ от грóба.**

**Слáва Отцú и Сы́ну и Свято́му Дúху/**

**Поклонiмся Отцú,/ и Егó Сы́нови, и Свято́му Дúху,/ Святе́й Трóице во еди́ном существé, с Серафiмы зовúще:/ Свят, Свят, Свят еси́, Гóсподи.**

**И ны́не и прiсно и во вéки векóв. Амiнь./**

**Жизнодáвца рóждши,/ грехá, Дéво, Адáма избáвила еси́,/ рáдость же Ё́ве в печáли мéсто подалá еси́;/ пáдшия же от жiзни/ к сей напра́ви, // из Тебé воплотiвыйся Бог и Человéк.**

**Аллилу́иа, аллилу́иа, аллилу́иа, // слáва Тебé, Бóже. (Трижды)**

**ЕКТЕНИЯ́ МА́ЛАЯ:**

**Диáкон:** Па́ки и па́ки мiром Гóсподу помóлимся.

**Хор:** Гóсподи, помiлуй.

**Диáкон:** Заступи́, спаси́, помiлуй и сохрани́ нас, Бóже, Твоею́ благодáтию.

**Хор:** Гóсподи, помiлуй.

**Диáкон:** Пресвяту́ю, Пречи́стую, Преблагословéнную, Слáвную Владiчицу на́шу Богорóдицу и Приснодéву Мари́ю, со все́ми святы́ми помяну́вше, са́ми себе́ и друг дру́га, и весь живóт наш Христу́ Бóгу преда́дим.

**Хор:** Тебé, Гóсподи.

**Иерей:** Яко Благословiся Имя Твое, и прославiся Цáрство Твое, Отца и Сына и Святаго Духа ныне и прiсно и во вéки векóв.

**Хор:** Амiнь.

**ИПАКОЙ, ГЛАС 2:**

По страсти шéдша во гроб жены, / во éже помázати тéло Твое, Христé Бóже, / видеша áнгелы во грóбе, и ужасóшася: / глас бо слýшаху от них, яко воскресé Господь, // дáруя мiрови вéлию мiлость.

**СТЕПÉННА, ГЛАС 2:**

**1 Антифóн:**

**Хор:** На нéбо óчи пуцáю моего сéрдца, к Тебé, Спасе, // спасi мя Твоiм осиянием. *(Дважды)*

Помiлуй нас согрешáющих Тебé мнóго, / на всякий час, о Христé мой, // и даждь óбраз прéжде концá покáяться Тебé. *(Дважды)*

**Слáва Отцý и Сыну и Святому Духу**

Святому Духу, Éже цáрствовати подобáет, / освящáти, подвизáти тварь: // Бог бо есть, Единосýщен Отцý и Слобу.

**И ныне и прiсно и во вéки векóв. Амiнь.**

Святому Духу, Éже цáрствовати подобáет, / освящáти, подвизáти тварь: // Бог бо есть, Единосýщен Отцý и Слобу.

**2 Антифóн:**

Аще не Господь бы был в нас, / кто доволен цел сохранéн бýти от врагá, // кúпно и человекоубiйцы? *(Дважды)*

Зубóм их не предáждь, Спасе, Твоего рабá: // ýбо львóвым óбразом на мя подвизáются врази мой. *(Дважды)*

**Слáва Отцý и Сыну и Святому Духу.**

Святому Духу живонáчáлие и честь: / вся бо создáнная, / яко Бог сый сiлюю, // соблюдáет во Отцé, Сыном же.

**И ныне и прiсно и во вéки векóв. Амiнь.**

Святому Духу живонáчáлие и честь: / вся бо создáнная, / яко Бог сый сiлюю, // соблюдáет во Отцé, Сыном же.

**3 Антифóн:**

Надéющиися на Гóспода, уподóбишася горé святéй: // ýже никакоже двiжyтся прилóги вражиими. *(Дважды)*

В беззакóнии рук своiх да не прóструт божéственне живýщии: // не оставлáет бо Христóс жезлá на жрéбии Своём. *(Дважды)*

**Слáва Отцú и Сýну и Святóму Дúху.**

Святýм Дúхом тóчится всяка премúдрость:/ отсюду благодáть апóстолом, // и страдáльчествы венчáются мúченицы, и прорóцы зрят.

**И ны́не и прiсно и во вéки векóв. Амiнь.**

Святýм Дúхом тóчится всяка премúдрость:/ отсюду благодáть апóстолом, // и страдáльчествы венчáются мúченицы, и прорóцы зрят.

**ПРОКIМЕН И ЧТéНИЕ ЕВáНГЕЛИЯ:**

**Диáкон:** Вóннем. Премúдрость вóннем, прокiмен, **глас вторýй:**

Востáни, Гóсподи, Бóже мой, повелéнием, iмже заповéдал есi, / и сонм людéй обы́дет Тя.

**Хор:** Востáни, Гóсподи, Бóже мой, повелéнием, iмже заповéдал есi, / и сонм людéй обы́дет Тя.

**Диáкон:** Гóсподи Бóже мой, на Тя уповáх, спасi мя.

**Хор:** Востáни, Гóсподи, Бóже мой, повелéнием, iмже заповéдал есi, / и сонм людéй обы́дет Тя.

**Диáкон:** Востáни, Гóсподи, Бóже мой, повелéнием, iмже заповéдал есi, /

**Хор:** И сонм людéй обы́дет Тя.

**Диáкон:** Гóсподу помóлимся.

**Хор:** Гóсподи, помiлуй.

**Иерéй:** Я́ко Свят есi Бóже наш, и Тебé слáву воссыла́ем, Отцú и Сýну и Святóму Дúху, ны́не и прiсно и во вéки векóв.

**Хор:** Амiнь.

**Диáкон:** Всякое дыхáние да хвáлит Гóспода.

**Хор:** Всякое дыхáние да хвáлит Гóспода.

**Диáкон:** Хвалiте Бóга во святýх Егó, хвалiте Егó во утвержéнии сiлы Егó.

**Хор:** Всякое дыхáние да хвáлит Гóспода.

**Диáкон:** Всякое дыхáние.

**Хор:** Да хвáлит Гóспода.

**Диáкон:** И о сподóбитися нам слýшанию Святáго Евáнгелиа, Гóспода Бóга мóлим.

**Хор:** Гóсподи, помiлуй. *(Трижды)*

**Диáкон:** Премúдрость, прóсти, услýшим Святáго Евáнгелиа.

**Иерéй** Мир всем.

**Хор:** И дúхови твоemu.

**Иерéй:** От Иоáнна Святáго Евáнгелиа чтéние.

**Хор:** Слáва, Тебé, Гóсподи, слáва Тебé.

**Диáкон:** Вóннем.

*(Евáнгелие воскресное 11-е, Ин., зач. 67:)*

**Иерéй:** Во врéмя óно, яви́ся Иису́с ученико́м Свои́м, востáв от мёртвых, и глаго́ла Сiмону Пет-

ру́: Сiмоне Ибнин любиши ли мя, пáче сих? Глаго́ла Ему́: ей Го́споди, Ты ве́си, я́ко люблю́ Тя. Глаго́ла ему́: паси́ агнцы́ Мойя́. Глаго́ла ему́ па́ки второ́е: Сiмоне Ибнин, любиши ли Мя? Глаго́ла Ему́: ей Го́споди, Ты ве́си, я́ко люблю́ Тя. Глаго́ла ему́: паси́ овцы́ Мойя́. Глаго́ла ему́ трéтие: Сiмоне Ибнин, любиши ли Мя? Оскорбé же Пётр, я́ко рече́ ему́ трéтие, любиши ли Мя? И глаго́ла Ему́: Го́споди, Ты вся ве́си, Ты ве́си, я́ко люблю́ Тя. Глаго́ла ему́ Иису́с: паси́ овцы́ Мойя́. Ами́нь, ами́нь глаго́лю тебе́: егда́ бе юн, поя́сашеся сам, и хождáше, áможе хотя́ше: егда́ же состаре́ешися, и возде́жеша ру́це твои́: и ин тя поя́шет, и веде́т áможе не хощеши. Си́е же рече́, назна́менуя ко́ею сме́ртию просла́вит Бо́га. И си́я рек, глаго́ла ему́: иди́ по Мне. Обраща́ясь же Петр ви́де ученика́ егóже любля́ше Иису́с, во след идуща́, iже и возле́же на ве́чери на пёрси Егó, и рече́: Го́споди, кто есть преда́й Тя? Сего́ ви́дев Пётр, глаго́ла Иису́сови: Го́споди, сей же что? Глаго́ла ему́ Иису́с: áще хо́щю, да той пребыва́ет до́ндеже прииду́, что к тебе́? Ты по Мне гряди́. Изы́де же сло́во се в бра́тию, я́ко учени́к той не у́мрет: и не рече́ ему́ Иису́с, я́ко не у́мрет: но áще хо́щю тому́ пребыва́ти до́ндеже прииду́, что к тебе́? Сей есть учени́к свиде́тельствующий о сих, iже и написа́ сия: и ве́м, я́ко iстинно есть свиде́тельство егó. Суть же и iна мно́га, я́же сотвори́ Иису́с: я́же áще по еди́ному пи́сана быва́ют, ни самому́ мню́ все́му ми́ру вместити́ пи́шемых книг, ами́нь.

**Хор:** Сла́ва, Тебе́, Го́споди, сла́ва Тебе́.

### ВОСКРЕ́СНАЯ ПЕСНЬ ПО ЕВА́НГЕЛИИ, ГЛАС 6:

Воскресе́ние Христо́во ви́девше,/ поклони́мся Свято́му Го́споду Иису́су,/ еди́ному безгре́шному,/ Кресту́ Твоему́ поклоня́емся, Христé,/ и свято́е Воскресе́ние Твое́ поём и сла́вим:/ Ты бо еси́ Бог наш,/ ра́зве Тебе́ ино́го не знаём,/ iмя Твое́ имену́ем./ Приидите́ вси ве́рнии,/ поклони́мся Свято́му Христо́ву Воскресе́нию:/ се бо при́де Крестом ра́дость все́му ми́ру./ Всегда́ благословя́ще Го́спода,/ поём Воскресе́ние Егó:/ распя́тие бо претерпе́в,// сме́ртию сме́рть разруши́.

### ПСАЛО́М 50:

**Чтец:** Поми́луй мя, Бо́же, по вели́цей ми́лости Твое́й, и по мно́жеству щедро́т Твои́х очи́сти беззако́ние моё. Наипáче омы́й мя от беззако́ния моего́, и от греха́ моего́ очи́сти мя. Я́ко беззако́ние моё аз зна́ю и грех мой предо мно́ю есть ви́ну. Тебе́ Еди́ному согреши́х, и лука́вое пред Тобо́ю сотвори́х, я́ко да оправди́шия во словесе́х Твои́х и победи́ши, внегда́ судити́ Ти. Се бо в беззако́нных зача́т есмь, и во гресе́х роди́ мя ма́ти моя́. Се бо iстину возлюбил еси́, безве́стная и та́йная премудрости́ Твоея́ явил ми еси́. Окропи́ши мя иссо́пом, и очи́щуся, омы́еши мя, и пáче сне́га убелю́ся. Слу́ху моему́ да́си ра́дость и весе́лие, возра́дуются ко́сти смире́нныя. Отврати́ лице́ Твое́ от грех мои́х, и вся беззако́ния моя́ очи́сти. Сёрдце́ чи́сто сози́жди во мне, Бо́же, и дух прав обнови́ во утробе́ мое́й. Не отвержи́ мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззако́нныя путе́м Твои́м, и нечестивии́ к Тебе́ обратя́тся. Изба́ви мя от крове́й, Бо́же, Бо́же спасе́ния моего́, возра́дуется язы́к мой

правде Твоей. Господи, устне мои отвéрзеши, и уста моя возвестят хвалу Твою. Яко áще бы восхотёл еси жéртвы, дал бых úбо, всесожжéния не благоволиши. Жéртва Бóгу дух сокрушён, сёрдце сокрушённо и смирённо Бог не уничижит. Ублажи, Господи, благоволением Твоим Сиона, и да созиждутся стéны Иерусалимския, тогда благоволиши жéртву правды, возношéние и всесожегаемая: тогда возложат на олтарь Твой тельцы.

*Глас 6:*

**Хор:** Слава Отцу и Сыну и Святому Духу./ Молитвами апóстолов,/ Милостиве, очисти// мнóжество согрешéний наших.

**И** ныне и присно и во веки веков. **Аминь.**/ Молитвами Богородицы,/ Милостиве, очисти// мнóжество согрешéний наших.

**Помилуй** мя, Бóже,/ по велицей милости Твоей,/ и по мнóжеству щедрот Твоих// очисти беззакóние моё.

**СТИХИРА ВОСКРЕСНАЯ, ГЛАС 6:**

**Воскрес** Иисус от грóба,/ я́коже проречé,/ даде́ нам живóт вéчный// и вéлию мiлость.

**Диакон:** Спаси, Бóже, лю́ди Твоя́ и благослови́ достоя́ние Твое́, посети́ мир Твой мiлостию и щедрóтами, возвы́си рог христиáн правослáвных и низпосли́ на ны мiлости Твоя́ богáтыя, молитвами всепречiстыя Влады́чицы наша́я Богородицы и Присноде́вы Мари́и, си́лою Честна́го и Животворя́щаго Крестá, предста́тельства честных Небéсных Си́л безплóтных, честна́го, сла́внаго проро́ка, Предте́чи и Крестите́ля Иоáнна, святых сла́вных и всехва́льных Апóстол, íже во святых о́тец наших и вселéнских вели́ких учи́телей и святiтелей, Васи́лия Вели́каго, Григо́рия Богосло́ва и Иоáнна Златоуста́го, íже во святых о́тца́ нашего́ Никола́я, архиепи́скопа Мирликийскаго, чудотворца́, святых равноапóстольных Мефóдия и Кири́лла, учи́телей словéнских, святых равноапóстольных вели́каго кня́зя Влади́мира и вели́кия княги́ни О́льги, íже во святых о́тец наших: святiтеля Михаи́ла, пёрвого митрополiта Ки́евского, первосвятiтелей Москóвских и всея́ Руси́: Петра́, Алексiя, Ио́ны, Мака́рия, Фили́ппа, Йо́ва, Еρμοге́на и Тiхона, митрополiтов Москóвских Филаре́та, Иннокéнтия и Мака́рия. Святых, сла́вных и добропобéдных мучеников, новомучеников и исповéдников Росси́йских: Влади́мира, митрополiта Ки́евского, Вениа́мина, митрополiта Петроградскаго, Петра́, митрополiта Крути́цкаго, Иларио́на, архиепи́скопа Верéйскаго, святых ца́рственных страстоте́рпцев, преподобномучениц вели́кия княги́ни Елисаветы́ и iнокини Варва́ры, преподóбных и богонóсных о́тец наших, преподóбных о́тец ста́рцев Óптинских, святых пра́ведных Иоáнна Кроншта́дтскаго и Алексiя Москóвскаго, святых блаже́нных Ксéнии Петербуржския́ и Матро́ны Москóвския́, святых и пра́ведных богоо́тец Иоакiма́ и А́нны (*и святаго имярек, егоже есть храм и егоже есть день*), и всех святых. Мо́лим Тя́, многомiлостиве Господи, услы́ши нас, грéшных, моля́щихся Тебе́, и помилуй нас.

**Хор:** Господи, помилуй. *(12 раз)*

**Иерей:** Мiлостию и щедрóтами и человеколю́бием единорóднаго Твоегó Сы́на, с Нiмже благосло́вен еси́, со Пресвяты́м, и Благiм, и Животворя́щим Твои́м Духом, ны́не и присно, и во веки веков.

**Хор:** Аминь.



**КАНОН:**

**ПЕСНЬ 1:**

**КАНОН ВОСКРЕСНЫЙ, ГЛАС 2:**

**Хор:**

**Ирмос:** Во глубинé постлá иногдá/ фараонiтское всевоинство преору-  
жéнная сiла;/ воплощсея же Слово всезлóбный грех потребiло  
есть,/ препрослáвленный Господь, // слáвно бо прослáвился.

**Припев:** **Слáва Гóсподи, святóму Воскресéнию Твоему́.**

**Тропарь:** Мирскiй князь Блáже, ему́же написáхомся,/ зáповеди Твоея не по-  
слушавше, крестóм Твоим осудiся:/ приразiся бо Ти я́ко смéртну:/ отпадé  
же влáсти Твоея держáвою, // и немощнýй обличiся.

**Припев:** **Слáва Гóсподи, святóму Воскресéнию Твоему́.**

**Тропарь:** Избáвитель рóда человекéского,/ и нетлéнному животу́ Начáльник/ в  
мир пришéл еси:/ Воскресéнием бо Твоим раздрáл еси смéртныя пелены́, //  
Éже славослóвим вси: слáвно бо прослáвился.

**Припев:** **Пресвятáя Богорóдице, спасi нас.**

**Богородичен:** Превы́ши явилася еси́, Чiстая Приснодéво,/ вся́кия невидимыя же и  
видимыя твáри:/ Зиждiтеля бо родилá еси́,/ я́ко благоволи́ воплотiтся во  
утрóбе Твоей, // Егóже со дерзновéнием моли́, спасти́ дýши нáша.

**КАНОН БОГОРОДИЦЫ, ГЛАС 2:**

**Припев:** **Пресвятáя Богорóдице, спасi нас.**

**Тропарь:** Невещéственная дрéвле лéствица,/ и стрáнно оледенéвший путь мóря,/  
Твоé являше Рождество́, Чiстая, // éже поём вси: я́ко прослáвился.

**Припев:** **Пресвятáя Богорóдице, спасi нас.**

**Тропарь:** Сiла Вы́шняго, Ипостáсь Совершéнная, Бóжия Мúдрость,/ воплощшися,  
Пречiстая, из Тебé, // к человекóм бесéдова: я́ко прослáвился.

**КАНОН ПРЕОБРАЖÉНИЯ, ГЛАС 4:**

**Припев:** **Слáва Тебе, Бóже наш, слáва Тебé.**

**Тропарь:** Глагóлы живóтныя другóм Христóс/ и о Божéственном наказу́я Цáрствию,  
речé:/ во Мне Отцá познайте,/ Свéтом я́ко облистáя непристýпным, в  
рáдости пою́ще: // поим Бóгу нáшему, я́ко прослáвился. *(Дважды)*

**Припев:** **Слáва Тебе, Бóже наш, слáва Тебé.**

**Тропарь:** Сiлою́ язýк облечéтеся дрúзи ученицы́,/ чúдни же бúдете в богáтстве их,  
я́ко слáвы напóлнитесь,/ я́ко явлю́ся светлéе сóлнца, облистáя в рáдости  
пою́щих: // поим Бóгу нáшему, я́ко прослáвился.

**Припев:** **Сла́ва Тебе, Бо́же наш, сла́ва Тебе́.**

**Тропарь:** **Днесь Христо́с, на горé Фаво́рстей просия́в я́сно Божéственную зарéю,/ я́коже обеща́ся, ученико́м обнажи́ зрак,/ светоно́сныя же напо́лнившеся Божéственныя зарí, в ра́дости по́яху:// по́йм Бо́гу на́шему, я́ко просла́вился.**

**КАНО́Н ПРМЧ. ДОМЕ́ТІЯ, ГЛАС 6:**

**Припев:** **Святы́й преподо́бному́чениче Дометі́е, моли́ Бо́га о нас.**

**Тропарь:** **К Бо́гу отше́д, му́ченическою сия́я благода́тию,// по́ющим тя ве́рно светоно́сную вдохни́ зарéю, моля́ Христа́, Богоблаже́нне.**

**Припев:** **Святы́й преподо́бному́чениче Дометі́е, моли́ Бо́га о нас.**

**Тропарь:** **Расто́рг мре́жи преле́сти, и́стинно Христу́ прите́кл еси́,/ мы́слию чи́стою пе́рсская служба́ остáвль// и волше́бнаго избе́г безбо́жия.**

**Сла́ва Отцу́ и Сы́ну и Свято́му Ду́ху.**

**Тропарь:** **Хи́тре усмотрі́л еси́, я́ко не бог, я́ко создáнное со́лнце,/ но ни еди́наго от ви́димых над неvíдимаго Бо́га, наста́влен был еси́,// по́мыслом му́дрым объе́мся.**

**И ны́не и прісно и во ве́ки веко́в, ами́нь.**

**Богородичен:** **Тя, Всесвята́я Де́во, Сы́на Бо́жия ро́ждшую,/ бы́вшаго по нам ра́ди нас,// пропове́дуем Чи́стую Богома́терь, ве́рнии, и ублажа́ем.**

**КАТАВА́СИЯ ПРЕОБРАЖЕ́НИЯ, ГЛАС 4:**

**Хор:** **Ли́цы израи́льтестии,/ невла́жными стопа́ми/ понт Чермны́й и вла́жную глубину́ прогна́вше,/ вса́дники триста́ты враги́ ви́дяще в ней погру́жены,/ с весе́лием по́яху:// по́йм Бо́гу на́шему, я́ко просла́вился.**

**ПЕСНЬ 3:**

**КАНО́Н ВОСКРЕ́СНЫЙ, ГЛАС 2:**

**Хор:**

**Ирмос:** **Процвела́ есть пусты́ня, я́ко крин, Го́споди,/ язы́ческая непло́дящая це́рковь,/ прише́ствием Твои́м,// в не́йже утверди́ся моё се́рдце.**

**Припев:** **Сла́ва, Го́споди, свято́му Воскресе́нию Твоему́.**

**Тропарь:** **Тварь в стра́сти Твое́й изменя́шеся,/ зря́щи Тя в нище́тне о́бразе от беззако́нных поруга́ема,// основа́вшаго вся Божéственным манове́нием.**

**Припев:** **Сла́ва, Го́споди, свято́му Воскресе́нию Твоему́.**

**Тропарь:** **От пе́рсти по о́бразу мя руко́ю Твое́ю созда́л еси́:/ и сокруше́нна па́ки в персть сме́ртную за грех,// Христе́ соше́д во ад, совоскреси́л еси́.**

**Припев:** **Пресвята́я Богоро́дице, спаси́ нас.**

**Богородичен:** Чiни удивiшася áнгельстии, Пречiстая,/ и человéческая устрáшiшася сердцá о Рождествé Твоём:// тэмже Тя, Богорóдицу, вéрою чтим.

**КАНО́Н БОГОРÓДИЦЫ, ГЛАС 2:**

**Припев:** Пресвятáя Богорóдице, спасi нас.

**Тропарь:** И́же врéмене превы́шший всякаго,/ я́ко врéменем Творéц,// из Тебé, Дéво, волею Младéнец создáся.

**Припев:** Пресвятáя Богорóдице, спасi нас.

**Тропарь:** Чрэво прострáннейшее небéс воспойм,// ýмже Адам на небесéх рáдуяся, живёт.

**КАНО́Н ПРЕОБРАЖÉНИЯ, ГЛАС 4:**

**Припев:** Слáва Тебе, Бóже наш, слáва Тебé.

**Тропарь:** Во всегó Адама облéкса, Христé,/ очернёвшее, изменiв, просветiл еси́ дрéвле естество́// и изменéнием зрáка Твоегó богосодéлал еси́. *(Дважды)*

**Припев:** Слáва Тебе, Бóже наш, слáва Тебé.

**Тропарь:** Столпóм огнезрáчным и óблаком дрéвле/ И́же в пусты́ни Изрáила веды́й,// днесь на горé Фавóрстей неизречéнно во свéте Христóс просия́. *(Дважды)*.

**КАНО́Н ПРМЧ. ДОМЕТIЯ, ГЛАС 6:**

**Припев:** Святýй преподобномýчениче Дометiе, моли́ Бóга о нас.

**Тропарь:** Извéстною вéрою утвэ́рждься, я́коже непреклóнен столп, непрелóжен явiлся еси́,// ни словесí волшéбными, ни рáзумом пёрсского бая́ния прельщён.

**Припев:** Святýй преподобномýчениче Дометiе, моли́ Бóга о нас.

**Тропарь:** Я́да душегýбнаго бежáл еси́, éже твáри служiти и сóлнце почитáти,/ сýщаго же воiстинну Бóга, я́ко всех Зиждiтеля,// благочéстия любóвию взыскáл еси́.

**Слáва Отцý и Сы́ну и Святóму Дýху.**

**Тропарь:** Вода́м Божéственным причáщся пáки бытиá, дýшу озарiл еси́/ и был еси́ воiстинну сын благодáти Бóжия,// наследник Божéственных наслаждéний.

**И ны́не и прiсно и во вéки векóв, амiнь.**

**Богородичен:** Премýдрость храм себé создá Божéствен пáче умá же и слóва,/ всéльшися в чiстую утрóбу Твою́,/ ю́же чéстне очiщши Дýхом, Всенепорóчная.

**КАТАВА́СИЯ ПРЕОБРАЖÉНИЯ, ГЛАС 4:**

**Хор:** Лук си́льных изнемóже,/ и немощствýюЩИи препоя́сашася си́лою,// сегó рáди утверди́ся в Гóсподе сэрдце моé.

**ЕКТЕНIЯ МА́ЛАЯ:**

**Диáкон:** Пáки и пáки мiром Гóсподу помóлимся.

**Хор:** Гóсподи, помiлуй.

**Диáкон:** Заступи́, спаси́, помiлуй и сохрани́ нас, Бóже, Твоею́ благодáтию.

**Хор:** Гóсподи, помíлуй.

**Диáкон:** Пресвятую, Пречiстую, Преблагословéнную, Слáвную Владычицу нáшу Богородицу и Приснодéву Марию, со всéми святými помянúвше, сáми себé и друг дрúга, и весь живóт наш Христú Бóгу предадiм.

**Хор:** Тебé, Гóсподи.

**Иерéй:** Я́ко Ты еси́ Бог наш, и Тебé слáву воссыла́ем, Отцú и Сýну и Свято́му Дúху, ны́не и прiсно и во вéки векóв.

**Хор:** Амiнь.

**КОНДА́К ПРЕОБРАЖÉНИЯ, ГЛАС 7:**

На горé преобразiлся еси́,/ и я́коже вмещáху ученицы́ Твой, / слáву Твою́, Христé Божé, видеша,/ да егда́ Тя úзрят распина́ема, / страдáние úбо уразу-мéют вóльное, / мiрови же проповéдят, // я́ко Ты еси́ воiстинну Óтчее сия́ние.

**И́кос:**

Востáните, лени́вии, iже всегда́ нiзу понiкшии в зéмлю души́ моея́ пóмыслы, / возмiтеся и возвы́ситеся на высоту́ Божéственного восхож-дéния. / Притецéм к Петру́ и к Зеведеевым / и вку́пе со óними Фавóрскую гóру достiгнем, / да вiдим с нiми слáву Бóга нáшего, глас же услы́шим, // егóже свы́ше слы́шаша и проповéдаша Óтчее сия́ние.

**КОНДА́К ПРМЧ. ДОМЕТIЯ, ГЛАС 6:**

Я́ко преобiдев тлéнная и до́лу влеку́щая мудровáния, / преподобно-мучениче Дометiе, / вели́к настáвник мона́хом показáлся еси́, / не устра-ши́вся я́рости царя́, не хотя́ща чтiти Христá, iстиннаго Бóга. / Сего́ рáди и скончáлся еси́, воспева́я песнь: // Бог есть со мно́ю, и никто́же на мя.

**СЕДА́ЛЕН ПРМЧ. ДОМЕТIЯ, ГЛАС 8, ПОДО́БЕН: «ПРЕМУ́ДРОСТИ...»:**

Пéрское служéние оста́вль, ко Влады́це пришéл еси́, / ба́нею Крещéния, слáвне, просвéщся мýслию, и, мона́шествовав преподóбно, / постóм умертвiл еси́ плотскiя стра́сти, Богомúдре Дометiе. / Тэмже пострада́в и прéлесть победiв, сугуб венéц побéды восприя́л еси́. / Сего́ рáди вопи́ем тебé: / моли́ Христá Бóга грехóв оставлéние подáти // чтúщим любóвию святую́ пáмять твою́.

**Слáва Отцú и Сýну и Свято́му Дúху и ны́не и прiсно и во вéки векóв, амiнь.**

**СЕДА́ЛЕН ПРЕОБРАЖÉНИЯ, ГЛАС 8, ПОДО́БЕН: «ПОВЕЛÉННОЕ...»:**

Сокровéнную мóлнию под плóтию существá Твоегó, Христé, / и Божéственного благолéпия на святéй показáл еси́ горé, Благодéтелю, / просия́в сýщим с Тобóю ученикóм / и, разумéвше нестерпiму сýщу слáву Твою́, - Свят еси́, - возопiша, / я́ко непристúпен Сый, вiден был еси́ плóтию мiрови, // Едiне Человеколóбче.

## ПЕСНЬ 4:

### КАНОН ВОСКРЕСНЫЙ, ГЛАС 2:

**Хор:**

**Ирмос:** Пришёл еси́ от Дёвы, не ходатай, ни Ангел, / но Сам, Гóсподи, воплощся, / и спасл еси́ всего́ мя челове́ка. / Тем зову́ Ти: // сла́ва си́ле Твоёй, Гóсподи.

**Припев:** Сла́ва, Гóсподи, свято́му Воскресéнию Твоему́.

**Тропарь:** Предстои́ши суди́щу я́ко суди́мь, Бо́же мой, / не вопи́я Влады́ко, суд износя́ язы́ком: / и́мже стра́стию Твоею́, Христé // вселénней соде́лал еси́ Спасéние.

**Припев:** Сла́ва, Гóсподи, свято́му Воскресéнию Твоему́.

**Тропарь:** Стра́стию Твоею́, Христé, / врагу́ оскуде́ша ору́жия, / противным же е́же во ад сходя́дением Твои́м, гра́ды разруши́шася, // и мучи́телева дерзость низложе́на бысть.

**Припев:** Пресвята́я Богоро́дице, спаси́ нас.

**Богородичен:** Тя пристáнище спасéния, и стéну недви́жиму, / Богоро́дице Влады́чице, вси ве́рнии свéмы: // Ты бо моли́твами Твои́ми избавля́еши от бед ду́ши на́ша.

### КАНО́Н БОГОРО́ДИЦЫ, ГЛАС 2:

**Припев:** Пресвята́я Богоро́дице, спаси́ нас.

**Тропарь:** Се превознесéся Божéственная Горá до́му Господ́ня, // превы́шше сил, Богома́терь я́вственнейше.

**Припев:** Пресвята́я Богоро́дице, спаси́ нас.

**Тропарь:** Зако́нов естéственных кромé, / Еди́на Дéво рóждши влады́чествующаго тва́рию, // сподóбилася еси́ Божéственного звáния.

### КАНО́Н ПРЕОБРАЖÉНИЯ, ГЛАС 4:

**Припев:** Сла́ва Тебе, Бо́же наш, сла́ва Тебе́.

**Тропарь:** Зако́н в Сина́и писáнием вообража́я, Христé Бо́же, / во о́блаце, и огни́, и мра́це, и в вихре яви́лся еси́ носим: // сла́ва си́ле Твоёй, Гóсподи.

**Припев:** Сла́ва Тебе, Бо́же наш, сла́ва Тебе́.

**Тропарь:** Да уве́риши сла́вное строéние Твоé, Христé Бо́же, / я́ко Сый прéжде век и Тóйже на о́блаце восхожде́ние положи́вый, // на Фаво́ре неизрече́нно проси́ял еси́.

**Припев:** Сла́ва Тебе, Бо́же наш, сла́ва Тебе́.

**Тропарь:** Соглаго́люще, предсто́яху раболе́пно Тебе́, Влады́це Христú, / к ни́мже па́рою огня́ и мра́ка и то́нким хла́дом бесе́довал еси́: // сла́ва си́ле Твоёй, Гóсподи.

**Припев:** Сла́ва Тебе, Бо́же наш, сла́ва Тебе́.

**Тропарь:** Возвещáху сла́вное Крестá ра́ди Твоего́, на Фаво́р пришéдше, / и́же во огни́ Ты и купинé дрéвле предвíдевый Моисéй // и взя́тый на колесни́це о́гненной Или́я, Христé.

**КАНО́Н ПРМЧ. ДОМЕТИ́Я, ГЛАС 6:**

**Припев:** **Святы́й преподобному́чениче Домети́е, моли́ Бо́га о нас.**

**Тропарь:** **Позна́л еси́, сла́вне, естество́м Невéдомага,/ словéсно взыска́л еси́ и, обрёт Сего́, возжелáв,// поклони́лся еси́, раду́ясь, Того́ вели́честву.**

**Припев:** **Святы́й преподобному́чениче Домети́е, моли́ Бо́га о нас.**

**Тропарь:** **Ли́ку целомúдруму тёпле прите́кл еси́ мона́шествующих святы́х/ и, добродéтелей ре́вностию распала́емь,// пожил еси́ чiсте в постéх и моли́твах.**

**Сла́ва Отцу́ и Сы́ну и Свято́му Ду́ху.**

**Тропарь:** **Удо́бь разреши́ соу́зы естества́ богомúдренное твоé желáние, óтче,// и страсте́й угаси́ пещь росодáтельным просвещéнием Свята́го Ду́ха.**

**И ны́не и прiсно и во ве́ки векóв, ами́нь.**

**Богородичен:** **Кре́пость моя́ есть Бог и Господь, Богородице Дéво,/ вопло́щенное Сло́во Пребожéственное из нетлénнаго Твоего́ чрэва// и живóт нам дарова́вшее.**

**КАТАВА́СИЯ ПРЕОБРАЖÉНИЯ, ГЛАС 4:**

**Хор:** **Услы́шах сла́вное смотре́ние Твое́, Христé Бо́же,/ я́ко роди́лся еси́ от Дéвы,/ да от лéсти изба́виши зову́щия:// сла́ва си́ле Твое́й, Го́споди.**

**ПЕСНЬ 5:**

**КАНО́Н ВОСКРЕ́СНЫЙ, ГЛАС 2:**

**Хор:**

**Ирмос:** **Ходáтай Бо́гу и челове́ком был еси́, Христé Бо́же;/ Тобо́ю, бо Влады́ко, к Светоначáльнику, Отцу́ Твоему́,/ от но́щи невéдения// приведе́ние iмамы.**

**Припев:** **Сла́ва, Го́споди, свято́му Воскресéнию Твоему́.**

**Тропарь:** **Я́ко кéдры, Христé, язýков шата́ние сокруши́л еси́ во́лею, Влады́ко:/ я́ко избóлил еси́ на кипарiсе, и на пéвке, и кéдре,// плóтию совозвыша́емь.**

**Припев:** **Сла́ва, Го́споди, свято́му Воскресéнию Твоему́.**

**Тропарь:** **В ро́ве, Христé, преиспóднем положи́ша Тя бездыхáнна мёртва:/ но Твое́ю я́звою забвénныя мертвыя, iже во гробéх спя́щия, уязвен// с Собо́ю воскреси́л еси́.**

**Припев:** **Пресвята́я Богороди́це, спаси́ нас.**

**Богородичен:** **Моли́ Сы́на Твоего́ и Го́спода, Дéво Чiстая,/ на Тя упова́ющим мир дарова́ти, пленénным избавлénие,// от сопротивных настоя́ний.**

**КАНО́Н БОГОРО́ДИЦЫ, ГЛАС 2:**

**Припев:** **Пресвята́я Богороди́це, спаси́ нас.**

**Тропарь:** **Обла́цы весéлия сла́дость кропи́те сущим на земли́:/ я́ко Отрочá даде́ся,/ Iже сый прéжде век,// от Дéвы вопло́щся Бог наш.**



**Припев:** Пресвятáя Богорóдице, спаси нас.

**Тропарь:** Житiю и плóти моéй свет возсия,/ и дрáхлость грехá разруши:// напоследок от Дéвы без сéмене воплощýся Вы́шний.

**КАНО́Н ПРЕОБРАЖÉНИЯ, ГЛАС 4:**

**Припев:** Слáва Тебе, Бóже наш, слáва Тебé.

**Тропарь:** Пред лицéм Твоим гóры уклонiшася,/ свет бо и пред ногáми, неботéчныя лучи, Христé, сóлнца прииде,// зрак зéмлен я́ко прияти благоволил еси.

**Припев:** Слáва Тебе, Бóже наш, слáва Тебé.

**Тропарь:** Се Спас,/ - вопияху Моисей и Или́я ученико́м,/ на горé святéй Фавóрстей оглаша́емым,// - Христóс, Егóже дрéвле провозвестíхом Сýщаго Бóга.

**Припев:** Слáва Тебе, Бóже наш, слáва Тебé.

**Тропарь:** Неизмéнное естество́, челове́ческому примéшся,/ обiльно невественнаго Божества́ Свет// изобнажив апóстолом, неизречéнно возсия.

**Припев:** Слáва Тебе, Бóже наш, слáва Тебé.

**Тропарь:** Тя, присносу́щное сия́ние, во Отéчестей слáве/ ученицы́ я́ко ви́девше возсия́вша, Христé, Тебé вопияху:// во свéте Твоём пути́ наша напра́ви.

**КАНО́Н ПРМЧ. ДОМЕТIЯ, ГЛАС 6:**

**Припев:** Святы́й преподобномучениче Дометiе, моли́ Бóга о нас.

**Тропарь:** Рáзумом Божéственным сия́я, блаженне,/ видимым всем предразсудил еси́ невидимых присносу́ществе,// сия́нием чистоты́ просвещáемь.

**Припев:** Святы́й преподобномучениче Дометiе, моли́ Бóга о нас.

**Тропарь:** Божéственныя вкусiв добродéтели, безмóлвия и отшельствiя,/ утвердил еси́ мысль немóтну,// устроéние храня́, óтче Дометiе.

**Слáва Отцу́ и Сы́ну и Свято́му Дýху.**

**Тропарь:** Я́ко воiстинну вéлие и чу́дно,/ е́же к лóчшему преложéние твоé и всемóдрый рáзум,// Вы́шняго бо руки́ измена и благодáти Божéственныя дéло бысть.

**И ны́не и прiсно и во вéки векóв, ами́нь.**

**Богородичен:** Дéва пребыла́ еси́ без вредá/ и мáтерская показу́еши, Всенепорóчная Влады́чице:// дéвству бо рождество́ счeтáла еси́ и нóсиши обои́х сво́йства.

**КАТАВА́СИЯ ПРЕОБРАЖÉНИЯ, ГЛАС 4:**

**Хор:** От свéта пресеки́й перворóдный свет,/ я́ко во свéте делá пою́т Тя, Христé, Содéтеля,// во свéте Твоём пути́ наша напра́ви.

## ПЕСНЬ 6:

### КАНОН ВОСКРЕСНЫЙ, ГЛАС 2:

**Хор:**

**Ирмос:** **В бѣздне грехѡвней валяяся,/ неизслѣдную милосѣрдия Твоегѡ при-  
зываю бѣздно:// от тли Бѡже, мя возведи.**

**Припев:** **Слáва, Гѡсподи, святѡму Воскресѣнию Твоему.**

**Тропарь:** **Яко злодѣй Прáведник осудися/ и со беззакѡнными на дрѣве пригвоз-  
дися,// повíнным оставлѣние Своєю дáруя крѡвию.**

**Припев:** **Слáва, Гѡсподи, святѡму Воскресѣнию Твоему.**

**Тропарь:** **Еди́нем у́бо челове́ком,/ пѣрвым Ада́мом дрѣвле в мир внíде смерть,// и  
Еди́нем Воскресѣние Сýном Бѡжиим явiся.**

**Припев:** **Пресвятáя Богорѡдице, спаси нас.**

**Богородичен:** **Неискусому́жно, Дѣво, родила еси,/ и вѣчнуеши Дѣва, являющи  
Истиннаго Божества,// Сýна и Бѡга Твоегѡ образы.**

### КАНОН БОГОРОДИЦЫ, ГЛАС 2:

**Припев:** **Пресвятáя Богорѡдице, спаси нас.**

**Тропарь:** **Естество́ челове́ческое рабѡтающее греху́,/ Влады́чице Чiстая, Тобѡю  
свобѡду уллучи:// Твой бо Сын, яко áгнец, за всех закалáется.**

**Припев:** **Пресвятáя Богорѡдице, спаси нас.**

**Тропарь:** **Вопи́ем Ти вси, iстинней Богомáтери,/ прогнѣвавшия рабы́ избáви://  
Еди́на бо дерзновѣние к Сýну iмаши.**

### КАНОН ПРЕОБРАЖЕНИЯ, ГЛАС 4:

**Припев:** **Слáва Тебе, Бѡже наш, слáва Тебѣ.**

**Тропарь:** **Сия́ния пáче со́лнца Свет яснѣйший, Спас, просия́в на Фавѡре,// нас про-  
свети́л есть. (Дважды)**

**Припев:** **Слáва Тебе, Бѡже наш, слáва Тебѣ.**

**Тропарь:** **Возше́д на гѡру Фавѡрскую, преобрази́лся еси́, Христѣ,// и, лещь всю ом-  
рачiв, нас просвети́л еси́.**

**Припев:** **Слáва Тебе, Бѡже наш, слáва Тебѣ.**

**Тропарь:** **Тя Бѡга познáвше слáвнии апѡстоли,// на Фавѡре же, Христѣ, уди́вльшеся,  
колѣна преклони́ша.**

### КАНОН ПРМЧ. ДОМЕТIЯ, ГЛАС 6:

**Припев:** **Святýй преподѡбному́чениче Дометiе, моли́ Бѡга о нас.**

**Тропарь:** **Твѣрдо наносiмое врагá и супостáта искушѣние претерпѣл еси́/ и, раз-  
лично, преблажѣнне, искушѣн быв,/ зáвистию борiм, победитель явiлся  
еси́, достослáвне.**

**Припев:** **Святýй преподобномúчениче Дометiе, моли́ Бóга о нас.**

**Тропарь:** **Жити́е твоё Божéственное, жизнь боговiдна и светонóсна бысть/ мiра бо красная оставль, // Божéственное благолéпие уплодiл еси́, Богомúдре, и красотú.**

**Слáва Отцú и Сýну и Святóму Дúху.**

**Тропарь:** **Знамéния и чудесá сподóбился еси́ совершáти пáче естество́, слáвне, / сiлою́ Божéственною ворúжся, // имýй свýше споспешествýющую тебé благодáть, достослáвне.**

**И ны́не и прiсно и во вéки векóв, амiнь.**

**Богородичен:** **Свéта жили́ще, и чертóг боголéпен пáче умá воплощéния всех, Дéво, Содéтеля: // Ты бо едiна явiлася еси́ достоблажéнное Томú покóбище.**

**КАТАВАСИЯ ПРЕОБРАЖÉНИЯ, ГЛАС 4:**

**Хор:** **Внегда́ скорбéти ми, / возопiх ко Гóсподу, // и услýша мя Бог спасéния моего́.**

**ЕКТЕНИЯ́ МА́ЛАЯ:**

**Диáкон:** **Пáки и пáки мiром Гóсподу помóлимся.**

**Хор:** **Гóсподи, помiлуй.**

**Диáкон:** **Заступи́, спаси́, помiлуй и сохрани́ нас, Бóже, Твоею́ благодáтию.**

**Хор:** **Гóсподи, помiлуй.**

**Диáкон:** **Пресвятúю, Пречiстую, Преблагословéнную, Слáвную Владiчицу́ нашу́ Богородицу́ и Приснодéву Марию́, со все́ми святýми помяну́вше, сáми себе́ и друг дру́га, и весь живóт наш Христú́ Бóгу преда́дим.**

**Хор:** **Тебé, Гóсподи.**

**Иерéй:** **Ты бо еси́ Цáрь мiра и Спас душ́ наших, и Тебé слáву воссыла́ем, Отцú и Сýну и Святóму Дúху, ны́не и прiсно и во вéки векóв.**

**Хор:** **Амiнь.**

**КОНДА́К ВОСКРЕ́СНЫЙ, ГЛАС 2:**

**Воскрéсл еси́ от грóба, Всесiльне Спа́се, / и ад, вiдев чúдо, ужасéся, / и мёртвии востáша; / тварь же вiдящи сра́дуется Тебé, / и Ада́м свеселiтся, // и мир, Спа́се мой, воспева́ет Тя прiсно.**

**И́кос:**

**Ты еси́ Свет омрачéнным, / Ты еси́ Воскресéние всех, и Живóт челове́ков, / и всех совоскресил еси́, / смёртнюю держа́ву, Спа́се, разóбрь, / и áдова вратá сокруши́вый, Сло́ве: / и мёртвии вiдевше чúдо, чюдiхуся, / и всяка тварь сра́дуется о Воскресéнии Твое́м, Человеколю́бче. / Тёмже и вси сла́вим и поём Твое́ снизхождéние, // и мир, Спа́се мой, воспева́ет Тя прiсно.**

## ПЕСНЬ 7:

### КАНОН ВОСКРЕСНЫЙ, ГЛАС 2:

**Хор:**

**Ирмос:** Богопротiвное велéние/ беззакóннуюющаго мучiтеля/ высóк пламень вознесло́ есть;/ Христóс же прострé Богочестiвым отроко́м рóсу духо́вную, // Сый благословéн и препрослáвлен.

**Припев:** Сла́ва, Го́споди, свято́му Воскресéнию Твоему́.

**Тропарь:** Не терпéл еси́, Влады́ко, за благоутрóбие/ смéртию челове́ка зрéти мучима,/ но пришéл и спасл еси́ Твоею́ крóвию, челове́к быв:// Сый благо-словéн и Препрослáвлен, Бог отец на́ших.

**Припев:** Сла́ва, Го́споди, свято́му Воскресéнию Твоему́.

**Тропарь:** Вiдешше Тя, Христé, оболчéна во одéжду отмщéния,/ ужасóшася вратницы áдовы:/ безúмнаго бо мучiтеля раба́, Влады́ко, пришéл еси́ убiти:// Сый благословéн и Препрослáвлен, Бог отéц на́ших.

**Припев:** Пресвятáя Богорóдице, спаси́ нас.

**Богородичен:** Святы́х Святéйшую Тя разумéем,/ я́ко Еди́ну рóждшую Бо́га Непре-мéннаго,/ Дéво Несквэрная, Мáти Безневéстная:/ всем бо вэрным источiла еси́ нетлéние, // Божéственным Рождествóм Твоим.

### КАНОН БОГОРОДИЦЫ, ГЛАС 2:

**Припев:** Пресвятáя Богорóдице, спаси́ нас.

**Тропарь:** Зря́ще в но́щи úбо Иáков,/ я́ко в гадáнии Бо́га воплощéнна,/ из Тебé же свéтлостию я́вiся пою́щим:// Пребожéственный отцéв Бог, и Препрослáвлен.

**Припев:** Пресвятáя Богорóдице, спаси́ нас.

**Тропарь:** Зна́мения я́же в Тебé, неизречéннаго проявля́я сня́тия, со Иáковым бóрется:/ ýмже волею соедини́ся челове́ком, Чiстая:// Пребожéственный отцéв Бог, и Препрослáвлен.

### КАНОН ПРЕОБРАЖÉНИЯ, ГЛАС 4:

**Припев:** Сла́ва Тебе, Бо́же наш, сла́ва Тебé.

**Тропарь:** Облиста́вшеся Свéтом непристúпныя сла́вы на Фавóрстей горé,/ апóстоли Христú вопия́ху:// отéц на́ших Бо́же, благословéн еси́.

**Припев:** Сла́ва Тебе, Бо́же наш, сла́ва Тебé.

**Тропарь:** Сия́нием Божéственного шу́ма, и росодáтельным óблаком, Христé,/ и зарéю Твоею́ наслажда́еми, апóстоли поя́ху:// отéц на́ших Бо́же, благословéн еси́.

**Припев:** Сла́ва Тебе, Бо́же наш, сла́ва Тебé.

**Тропарь:** **В** непристúпном Свéте, я́ко ви́де Тя Петр,/ на Фавóрстей горé облистáвша, Христé, возопí:// отéц нáших Бóже, благословéн есi.

**Припев:** **Слáва Тебе, Бóже наш, слáва Тебé.**

**Тропарь:** **С** Начáльником жiзни Христóм сýще, дéти Зеведéевы,/ я́ко испустí зрáка Свет, возгрéмеша:// отéц нáших Бóже, благословéн есi.

**КАНО́Н ПРМЧ. ДОМЕТIЯ, ГЛАС 6:**

**Припев:** **Святýй преподобномúчениче Дометiе, моли́ Бóга о нас.**

**Тропарь:** **На** тебé, óтче, пресвётлая Дúха благодáть почи/ и дéйствия преслáвна показá тебé, вопиющему и поющему вёрно:// благословéн есi, Бóже отéц нáших.

**Припев:** **Святýй преподобномúчениче Дометiе, моли́ Бóга о нас.**

**Тропарь:** **Твёрдым умóм** прошёл есi стезю́ пощéния/ и при кончiне подвигов мýченик iстинен был есi, зовый́ Христý:// благословéн есi, Бóже отéц нáших.

**Слáва Отцý и Сы́ну и Святóму Дúху.**

**Тропарь:** **Я́ко** рóждшеся молiтвами твоiми, дéти тебé, отцý, сподвизáшася/ и, в пещéре терпяще, страдаша с тобóю, согласно́ зовýще Христý:// благословéн есi, Бóже отéц нáших.

**И ны́не и прiсно и во вéки векóв, ами́нь.**

**Богородичен:** **Спасéния пристáнище** Тя стяжáвше, от бýри спасаéмся/ и, надéжду, ю́же к Тебé, я́ко основáние душ держаще, зовéм Христý:// благословéн есi, Бóже отéц нáших.

**КАТАВА́СИЯ ПРЕОБРАЖÉНИЯ, ГЛАС 4:**

**Хор:** **Авраáмстии** иногдá в Вавилóне óтроцы/ пéщный пла́мень попра́ша,/ пéсньми зывáюще:// отéц нáших Бóже, благословéн есi.

**ПЕСНЬ 8:**

**КАНО́Н ВОСКРЕ́СНЫЙ, ГЛАС 2:**

**Хор:**

**Ирмос:** **Пещь** иногдá óгненная в Вавилóне дéйства разделяше,/ Бóжиим велéнием халдéи опаляющая,/ вёрныя же орошáющая, пою́щия:// благословiте вся делá Госпóдня, Гóспода.

**Припев:** **Слáва, Гóсподи, святóму Воскресéнию Твоемý.**

**Тропарь:** **Крóвию** Твоею́, Христé,/ очервлéно плóти Твоея́ зряще одея́ние,/ трéпетом ужаса́хуся мнóгому Твоемý долготерпéнию áнгельстии чiни, зовýще:// благословiте вся делá Госпóдня, Гóспода.

**Припев:** **Слáва, Гóсподи, святóму Воскресéнию Твоемý.**

**Тропарь:** Ты моё смёртное одéял еси́, Ще́дре,/ в безсмёртие востáнием Твои́м./  
Тёмже веселя́щися благодарственнó воспевáют Тя/ избрáннии лю́дие, Хри-  
сте́, зову́ще Тебе́:// пожёрта бысть вои́стинну смерть побéдою.

**Припев:** Пресвятáя Богорóдице, спаси́ нас.

**Богородичен:** Ты, Ё́же Отцú неразлúчнаго,/ во утрóбе богомúжно поживша безсе́менно  
зачалá еси́,/ и неизречéнно родилá еси́, Богороди́тельнице Пречи́стая://  
тёмже Тя спасéние всех нас свéмы.

**Канóн Богорóдицы, глас 2:**

**Припев:** Пресвятáя Богорóдице, спаси́ нас.

**Тропарь:** Вiден бысть на землi Тобóю, и с челове́ки поживé,/ Ё́же блáгостию не-  
сравнённый и си́лою,/ Емúже пою́ще вси вёрнии зовём:/ осуществовáнная  
да поёт Гóспода вся тварь, // и превозно́сит во вся вéки.

**Припев:** Пресвятáя Богорóдице, спаси́ нас.

**Тропарь:** Вои́стинну Тя, Чiстую проповéдающе, слáвим Богорóдицу:/ Ты бо едiна  
родилá еси́ от Трóицы воплощённа,/ Емúже со Отцём и Дúхом вси поём:/ да  
поёт Гóспода вся тварь, // и превозно́сит во вся вéки.

**Канóн Преобразжéния, глас 4:**

**Припев:** Сла́ва Тебе́, Бóже наш, сла́ва Тебе́.

**Тропарь:** Мановéнием вся носяй, ногáми пречи́стыми на гóру взiде Фавóрскую Хри-  
сто́с,/ на нейже пáче солнечныя лучi облиста́ лицём,/ iже закóну старейшия и  
благодáти показá пою́щия:// благословiте, вся дела́ Господня́, Гóспода.

**Припев:** Сла́ва Тебе́, Бóже наш, сла́ва Тебе́.

**Тропарь:** Непристу́пную сла́вою на горé явлься неизречéнно Фавóрстей,/ неоде́р-  
жи́мый и незаходiмый Свет, Óтчее сия́ние,/ тварь уясни́в, челове́ки обожí,  
пою́щия:// благословiте, вся дела́ Господня́, Гóспода.

**Припев:** Сла́ва Тебе́, Бóже наш, сла́ва Тебе́.

**Тропарь:** Священнолéпно стоя́ще Моисей же и Или́я на горé Фавóре,/ Бо-  
же́ственныя начертáние я́сно ипостáси ви́девше,/ Христа́, во Отéчестей об-  
листа́вша сла́ве, воспевáху:// благословiте, вся дела́ Господня́, Гóспода.

**Припев:** Сла́ва Тебе́, Бóже наш, сла́ва Тебе́.

**Тропарь:** Ё́же во зра́це Божéственнаго ра́ди явлéния лице́ прослáвился иногда́ Мои-  
се́ово,/ Христо́с же, я́ко рiзою, Свéтом и сла́вою одева́ется,/ Свéта бо само-  
дéтелен Сый, озаря́ет пою́щия:// благословiте, вся дела́ Господня́, Гóспода.

**Канóн прмч. Дометiя, глас 6:**

**Припев:** Святы́й преподобномúчениче Дометiе, моли́ Бóга о нас.



**Тропарь:** **С**недаемъ любóвию, óтче, Зиждiтеля,/ здáний отрiнул есi всякое при-  
страстiе, Дúхом Бóжиим яве направляемъ, // Егóже превознóсим во вся вéки.

**Припев:** **С**вятýй преподобномúчениче Дометiе, моли Бóга о нас.

**Тропарь:** **З**емнáя попечéния оттряс, Небéсными надéждами, óтче, обогатiлся есi /  
и еже о Христé блажéнством, // Егóже ныне наслаждáешься во вся вéки.

**Благословим Отцá, и Сына, и Святáго Дúха, Гóспода.**

**Тропарь:** **С**ветолúчныя зарi, óтче, приём, Святáго и Божéственного, премúдре, Дúха, /  
очiма яве Сегó, блажéнне, видел есi, // Божéственных таин страшно научáюща тя.

**И ныне и прiсно и во вéки векóв, амiнь.**

**Богородичен:** **Б**оговещáнная цевница Твоегó праотца/ ковчег Тя свят прообразi, но-  
сáщ Бóга, в плоть облéкшася, // Егóже превознóсим во вся вéки.

#### **КАТАВАСИЯ ПРЕОБРАЖÉНИЯ, ГЛАС 4:**

**Хор:** **Х**вáлим, благословим, покланяемся Гóсподеви, поюще и превозно-  
сáще во вся вéки.

**В** Вавилóне óтроцы, / Божéственную распалáеми рéвностию, / мучiтеля  
и пламене прещéния мýжески попрáша / и, посредé огнá ввёржени, оро-  
шáем, пояху: // благословите, вся делá Госпóдня, Гóспода.

#### **ПЕСНЬ ПРЕСВЯТОЙ БОГОРÓДИЦЫ:**

**Хор:** **В**елiчит душá Моя Гóспода, / и возрадовася дух Мой о Бóзе Спáсе Моём.  
**Ч**естнéйшую Херувим / и Слáвнейшую без сравнéния Серафим, / без  
истлéния Бóга Слóва рóждшую, / сýщую Богорóдицу, Тя величáем.

**Я**ко призрé на смирéние рабы Своея, / се бо от ныне ублажáт Мя вси рóди.

**Честнéйшую...**

**Я**ко сотвори Мнe велiчие Сильный, / и свято Ёмя Егó, и мiлость Егó в  
рóды родóв боящимся Егó.

**Честнéйшую...**

**С**отвори держáву мýщицею Своею, / расточи гóрдые мiслию сёрдца их.

**Честнéйшую...**

**Н**изложi сильныя со престóл, и вознесé смиренныя; / álчущия испóлни  
благ, и богатящися отпусти тщи.

**Честнéйшую...**

**В**осприят Изрáиля óтрока Своегó, помянóти мiлости, / якоже глагола ко  
отцём нашим, Авраáму и сёмени егó, дáже до вéка.

**Честнéйшую...**

## ПЕСНЬ 9:

### КАНОН ВОСКРЕСНЫЙ, ГЛАС 2:

**Хор:**

**Ирмос:** **Безначáльна Родiтеля Сын, Бог и Господь, / воплощья от Дéвы, нам явiся, / омрачénная просветiти, / собрати расточénная, // тем Всепétую Богорóдицу велича́ем.**

**Припев:** **Слáва, Гóсподи, святому Воскресéнию Твоему́.**

**Тропарь:** **Я́ко в рай насаждéно на лóбнем, Спáсе, / требогáтое дрéво Твоего́ пре- чiстаго Крестá, / крóвию и водóю Божéственною, / я́ко от истóчника Бо- жéственного, / ребрá Твоего́, Христé, напо́емо, // живóт нам прозяблó есть.**

**Припев:** **Слáва, Гóсподи, святому Воскресéнию Твоему́.**

**Тропарь:** **Низложiл еси́ сiльныя, распнiйся, Всесiльне, / и éже нiзу лежáщее во я́дове твердiни, / естество́ человéческое вознéс, / на Óтчем посадiл еси́ пре- стóле. // С Нiмже Тебé грядúщу поклоня́ющися, велича́ем.**

**Припев:** **Пресвятáя Трóице, Бóже наш, слáва Тебé.**

**Трóичен:** **Едiницу Тричiсленную, Трóицу Единосúщную / правослáвно поúще вёрнии, слáвим: / непресекóмо Пребожéственное Естество́, / трисвётлую, не- вечёрную зарю́, // Едiну нетлénную нам свет возсия́вшую.**

### КАНОН БОГОРÓДИЦЫ, ГЛАС 2:

**Припев:** **Пресвятáя Богорóдице, спасi нас.**

**Тропарь:** **Жезл крéпости дадéся естеству́ тлénному, / Слово́ Бóжие во утрóбе Твоей, Чiстая: / и сиé воскресi, до я́да попóлзшееся. // Тэмже Тя, Всечiстая, я́ко Богорóдицу, велича́ем.**

**Припев:** **Пресвятáя Богорóдице, спасi нас.**

**Тропарь:** **Ю́же избóлил еси́, Влады́ко, / примi мiлостивно Молiтвенницу, / Мáтерь Твою́, о нас, / и Твоея́ блáгости вся́ческая испóлняется: // да Тя вси, я́ко Благодéтеля, велича́ем.**

### КАНОН ПРЕОБРАЖÉНИЯ, ГЛАС 4:

**Припев:** **Слáва Тебе, Бóже наш, слáва Тебé.**

**Тропарь:** **Ужáсни нóвым светолiтием внезапу́ ученицы́ освéщшися, друг другá зрýху, / удiвльшися же и к землi преклóньшися, // Тебé, Влады́це всех, поклонiшся.**

**Припев:** **Слáва Тебе, Бóже наш, слáва Тебé.**

**Тропарь:** **Шум из óблака посыла́шися богогласен, извествúя чúдо: / Отéц бо Свéтов, – Сей есть Сын Мой возлúбленный, – апóстолом вопия́ше, // Того́ послу́шайте.**

**Припев:** **Слáва Тебе, Бóже наш, слáва Тебé.**

**Тропарь:** **Н**óвая вiдевшe и преслáвная, глас Отéческий внушiвшe,/ на Фавóре Сло-  
весé слугi, изображéние Первообрáзнаго,// Сей есть, – вопияху, – Спас наш.

**Припев:** **Слáва Тебе, Бóже наш, слáва Тебé.**

**Тропарь:** **Об**разе непремéнный Сúщаго, недвижиме, печáть неизмéнна,/ Сýне, Слове,  
мúдросте и мýшце, десни́це Вbшняго, Сiло,// Тя воспеваем со Отцém же и Дúхом.

**КАНО́Н ПРМЧ. ДОМЕТIЯ, ГЛАС 6:**

**Припев:** **Святýй преподобномúчениче Дометiе, моли́ Бóга о нас.**

**Тропарь:** **С**вéтом невестчественным озаряемь, световiден достóйно, Богонóсе, был  
есi,/ житиé непорóчно стяжав, óтче, и всесвято,// ны́не же предстои́ши мо-  
литвенник Влады́це и Бóгу о ста́де твоём.

**Припев:** **Святýй преподобномúчениче Дометiе, моли́ Бóга о нас.**

**Тропарь:** **Т**воi пóдвизи воздержáния мúченическими пóдвиги по достóянию вен-  
чáшася,/ и сугúбо страдáние показáл еси́ благомúжеством, iхже приiл  
есi,// и вéчных благ обрeл еси́ наслаждéние.

**Слáва Отцú и Сýну и Святóму Дúху.**

**Тропарь:** **У**крéплся сiлою Божéственною и благодáтию,/ явлься всем благо-  
чéстия учiтель, показáлся еси́ чудесы́ украшáемь,// вся утверждáя, вся ис-  
целяя, приходя́щий к тебе́ вёрно, Богоблажéнне.

**И ны́не и прiсно и во вéки векóв, ами́нь.**

**Богородичен:** **В** Тебé соде́яся вbше челове́ка, пáче естества́, Дéво Богорóдице,  
таiнство:/ Бóжия бо была́ еси́ Родiтельница,// нося́щи на объ́ятиях и пи-  
та́ющи Небéсными вóинствы песнослóвимаго.

**КАТАВА́СИЯ ПРЕОБРАЖÉНИЯ, ГЛАС 4:**

**Хор:** **Р**ождество́ Твое́ нетлénно явiся:/ Бог из боку́ Твоею́ прóйде,/ я́ко  
Плотонóсец явiся на землi/ и с челове́ки поживé.// Тя, Богорóдице,  
тем вси величáем.

**ЕКТЕНИ́Я МА́ЛАЯ:**

**Диáкон:** **П**áки и пáки мiром Гóсподу помóлимся.

**Хор:** **Г**óсподи, помiлуй.

**Диáкон:** **З**аступи́, спаси́, помiлуй и сохрани́ нас, Бóже, Твоею́ благодáтию.

**Хор:** **Г**óсподи, помилуй.

**Диáкон:** **П**ресвятúю, Пречiстую, Прeблагословéнную, Слáвную Влады́чицу нáшу Богорóдицу и Приснодéву  
Марiю, со все́ми святýми помянувшe, сáми себе́ и друг дрúга, и весь живóт наш Христú Бóгу преда́дим.

**Хор:** **Т**ебé, Гóсподи.

**Иерéй:** **Я**́ко Ты хвáлят вся сiлы небéсныя, и Тебé слáву воссыла́ем, Отцú и Сýну и Святóму Дúху,  
ны́не и прiсно и во вéки векóв.

**Хор:** Ами́нь.  
**Диáкон:** Свят Госпóдь Бог наш.  
**Хор:** Свят Госпóдь Бог наш.  
**Диáкон:** Я́ко Свят Госпóдь Бог наш.  
**Хор:** Свят Госпóдь Бог наш.  
**Диáкон:** Над все́ми людьми́ Бог наш.  
**Хор:** Свят Госпóдь Бог наш.

**ЕКСАПОСТИЛА́РИЙ ВОСКРЕ́СНЫЙ ОДИ́ННАДЦАТЫ́Й:**

По Божéственнем востáнии,/ трiжды Петра́, лiубиши ли Мя, вопрошáя Госпóдь,/ Свои́х овецъ предлага́ет пастыреначáльника:/ iже видя, егóже любляше Иисус, во след грядúща,/ вопрошáше Влады́ку: сей же что?/ Аще хощú, рече, пребывáти семú,/ дондеже и пáки приидú, // что к тебе́, дру́же Пётре?

**Слáва Отцú и Сýну и Свято́му Дúху и ны́не и прiсно и во ве́ки вековъ. Ами́нь.**

**СВЕТИ́ЛЕН ПРЕОБРАЖÉНИЯ:**

Свéте неизмéнный, Сло́ве, Свéта Отца́ нерождéнна, в явлéнном свéте Твоём,/ днесь на Фавóре Свет видехом Отца́, Свет и Дúха, // Свéтом наставляющаго всю тварь.

**ХВАЛИ́ТНЫ ПСАЛМЫ́, ГЛАС 2:**

**Хор:** Всякое дыхáние да хвáлит Гóспода./ Хвалите́ Гóспода с небéс,/ хвалите́ Егó в вы́шних. // Тебе́ подобáет песнь Бóгу.

Хвалите́ Егó вси áнгели Егó,/ хвалите́ Егó вся сiлы Егó. // Тебе́ подобáет песнь Бóгу.

**Чтец:** *Стихиры воскресные, глас 2:*

**На 8. Стих:** Сотвори́ти в них суд напи́сан:/ слáва сия́ бúдет всем преподóбным Егó.

**Стихира:** Всякое дыхáние и вся тварь/ Тя сла́вит, Гóсподи,/ я́ко Крестóм смерть упразднiл еси́,/ да пока́жеши лю́дем, е́же из мёртвых Твоё Воскресéние, // я́ко Едiн Человеколю́бец.

**Стих:** Хвалите́ Бóга во святýх Егó,/ хвалите́ Егó в утверждéнии сiлы Егó.

**Стихира:** Да реку́т иудее́,/ ка́ко вóини погуби́ша стрегúщи Царя́;/ почтó бо ка́мень не сохрани́ Ка́мене жи́зни?/ Или́ Погребéннаго да да́дут,/ или́ Воскрéшему да поклóнятся,/ глаго́люще с нами́: // слáва мнóжеству щедрóт Твои́х, Спа́се наш, слáва Тебе́.

**На 6. Стих:** Хвалите́ Егó на сiлах Егó,/ хвалите́ Егó по мнóжеству вели́чества Егó.

**Стихира:** Рáдуйтеся лю́дие и веселiтеся,/ А́нгел седя́й на ка́мени грóбнем,/ той нам благовестí, рек:/ Христóс воскресе́ из ме́ртвых, Спас ми́ра,/ и испо́лни вся́ческая благоухáния:// рáдуйтеся лю́дие и веселiтеся.

**Стих:** Хвалiте Егó во глáсе тру́бнем,/ хвалiте Егó во псалтiри и гúслех.

**Стихира:** А́нгел úбо е́же рáдуйся,/ прéжде Твоегó зачáтия, Гóсподи, Благодáтней принесé:/ А́нгел же ка́мень слáвнаго Твоегó грóба/ в Твое́ Воскресéние отвалí:/ ов úбо в печáли мéсто,/ весéлия óбразы возвещáя:/ сей же в смéрти мéсто,/ Влады́ку Жизнодáвца проповéдуя нам,/ тэмже вопиём Ти:// Благодéтелю всех, Гóсподи, слáва Тебé.

*Стихиры попрáзднства Преображéния:*

*Глас 6, подóбен: «А́нгельски...»:*

**На 4. Стих:** Хвалiте Егó в тимпáне и ли́це,/ хвалiте Егó во стру́нах и оргáне.

**Стихира:** Возсия́в пáче умá/ от Дéвы Пресвяты́я, Сло́ве Бóжий,/ во Ада́ма весь облéкся,/ И́же прéжде омрачiвшееся естество́ все просветiл есí,/ Божéственным зрáка Твоегó изменéнием,/ преобрáжся на горé Фавóрстей, Влады́ко, // прéжде Честнáго Твоегó Крестá, Христé Бóже наш.

**Стих:** Хвалiте Егó в кимвáлех доброгласных, хвалiте Егó в кимвáлех восклицáния./ Вся́кое дыхáние да хвáлит Гóспода.

**Стихира:** Светорóдным осия́ема óблаком вiдяще Христá/ на Фавóре Божéственнии ученицы́,/ нiцы со стрáхом на зéмлю преклóньшеся,/ ум же и сéрдце просвещше,/ с Моисéом и Илиёю зря́ще я́сно,/ воспевáху Сегó, я́ко Бóга, // со Отцём и Дúхом.

**Стих:** Твоя́ суть небесá,/ и Твоя́ есть земл́я.

**Стихира:** Горá, я́же иногдá б́яше мрáчна и д́ымна,/ се ны́не честнá и святá есть./ И́же пёрвее úбо Изрáиля настáвивый,/ я́коже пiшет, столпóм огнезрáчным и óблаком,/ днесь просия́ неизречéнно/ пáче сол́нца Христóс на сей, // я́ко Бог просветiв вся́ческая.

*Глас 5:*

**Стих:** Фавóр и Ермóн/ о́ Имени Твоем́ возра́дуетсяя.

**Стихира:** Закóна и прорóков/ Тя, Христé, Творца́ и Исполнiтеля свидéтельствоваша,/ зря́ще во óблаце,/ Моисéй Боговiдец и Или́я огнеколесни́чник/ и неопáльный небошéственник/ в преображéнии Твоем́./ С нiмиже и нас Твоегó просвещéния сподóби, Влады́ко, // пéти Тя во вéки.

*Стихира утренняя евангельская одiннадцатая, глас 8:*

**Слáва Отцú и Сы́ну и Свято́му Дúху.**

**Являя Себé ученикóм Твоим, Спасе,/ по воскресéнии Сiмону дал еси овéц пáству,/ за любвé въздаяние,/ яже о пáстве попечéния ищя./ Тэмже и глагóлал еси:/ áще любиши Мя, Пётре,/ паси áгнцы Моя, паси óвцы Моя./ Он же áбие показуя другóлюбное,/ о друзéм ученицé вопрошáше./ Ихже молiтвами, Христé, стадо Твоé сохраняй,// от волкóв губящих é.**

**Глас 2:**

**И ныне и присно и во веки веков. Аминь.**

**Преблагословéнна еси, Богорóдице Дéво,/ Воплóщшим бо ся из Тебé ад пленiся,/ Адам възвáся,/ клятва потребiся,/ Ёва свободiся,/ смёрть умертвiся, и мы ожiхом./ Тем воспевающе вопиём:/ благословén Христóс Бог,// благоволивый тако, слава Тебé.**

**Иерей:** **Слава Тебе, показавшему нам свет.**

**СЛАВОСЛОВИЕ ВЕЛИКОЕ:**

**Хор:** **Слава в вiшних Бóгу, и на землi мир, в человецех благоволение. Хвáлим Тя, благословим Тя, клáняем Ти ся, славословим Тя, благодарим Тя, великия ради славы Твоея. Гóсподи Царю Небéсный, Бóже Óтче Вседержителю, Гóсподи, Сýне Единорóдный, Исусе Христé, и Святýй Дúше. Гóсподи Бóже, Áгнче Бóжий, Сýне Отéчь, взéмляй грех мiра, помiлуй нас; взéмляй грехи мiра, приими молiтву нáшу; седяй одесную Отцá, помiлуй нас. Яко Ты еси едiн Свят, Ты еси едiн Госпóдь, Исус Христóс, в славу Бóга Отцá. Аминь.**

**На всяк день благословлю Тя, и восхвалю Имя Твоё во веки, и в век века.**

**Сподóби, Гóсподи, в день сей без грехá сохранiтися нам. Благословén еси, Гóсподи, Бóже отéц нáших, и хвáльно и прослáвлено Имя Твоё во веки. Аминь.**

**Буди, Гóсподи, мiлость Твоя на нас, якоже упóвахом на Тя.**

**Благословén еси, Гóсподи, научи мя оправданием Твоим. (Трижды)**

**Гóсподи, прибéжище был еси нам в род и род. Аз рех: Гóсподи, помiлуй мя, исцели дúшу мою, яко согреших Тебé. Гóсподи, к Тебé прибегóх, научи мя творiти волю Твою, яко Ты еси Бог мой: яко у Тебé истóчник животá, во свéте Твоём úзрим свет. Пробáви мiлость Твою вéдушим Тя.**

**Святýй Бóже, Святýй Крéпкий, Святýй Безсмёртный, помiлуй нас. (Трижды)**

**Слава Отцú и Сýну и Святóму Дúху и ныне и присно и во веки веков. Аминь.**

**Святýй Безсмёртный, помiлуй нас.**

**Святýй Бóже, Святýй Крéпкий, Святýй Безсмёртный, помiлуй нас.**



## ТРОПÁРЬ ВОСКРÉСНЫЙ, ГЛАС 2:

**Хор:** Воскрéс из грóба и úзы растерзál есi áда,/ разрушил есi осуждéние смёрти, Гóсподи,/ вся от сетéй врагá избáвивый;/ явiвый же Себé апóстолом Твоiм,/ послáл есi я на прóповедь,/ и тéми мир Твой пóдал есi вселénней, // Едiне Многомiлостиве.

## ЕКТЕНИЯ СУГÚБАЯ:

**Диáкон:** Помiлуй нас, Бóже, по велицей мiлости Твоéй, мóлим Ти ся, услыши и помiлуй.

**Хор:** Гóсподи, помiлуй. *(Трижды, на каждое прошение)*

Ещё мóлимся о Великом Господiне и Отцé нáшем Святéйшем Патриáрхе **Кирилле**, и о Господiне нáшем Высокопреосвящённейшем митрополите *(или: архиепiскопе, или: преосвящённейшем епiскопе **имярек**)*, и всей во Христé брáтии нáшей.

Ещё мóлимся о Богохранiмей странé нáшей, властéх и вóинстве ея, да тiхое и безмóлвное житиé поживём во всяком благочéстии и чистотé.

Ещё мóлимся о блажённых и приснопáмятных создáтелей святáго хрáма сегó, и о всех преждепочiвших отцéх и брáтиях, zde лежáщих и повсюду, правослáвных.

Ещё мóлимся о мiлости, жiзни, мире, здравии, спасéнии, посещéнии, прощéнии и оставлéнии грехóв рабóв Бóжих настоятеля, брáтии и прихóжан святáго хрáма сегó.

Ещё мóлимся о плодоносящих и добродéющих во святém и всечестнém хрáме сем, труждающихся, поющих и предстоящих лóудех, ожидающих от Тебé великия и богáтыя мiлости.

**Иерéй:** Яко Мiлостив и Человеколóбец Бог есi, и Тебé слáву возсылаём, Отцú и Сыну и Святóму Дúху, ныне и прiсно и во вéки вéков.

**Хор:** Амiнь.

## ЕКТЕНИЯ ПРОСИТЕЛЬНАЯ:

**Диáкон:** Испóлним úтреннюю молiтву нáшу Гóсподеви.

**Хор:** Гóсподи, помiлуй.

**Диáкон:** Заступi, спасi, помiлуй и сохрани нас, Бóже, Твоéю благодáтию.

**Хор:** Гóсподи, помiлуй.

**Диáкон:** Днé всего совершённа, свyта, мiрна и безгрéшна у Гóспода прóсим.

**Хор:** Подáй, Гóсподи. *(На каждое прошение.)*

**Диáкон:** Áнгела мiрна, вёрна настáвника, хранiтеля душ и телéс нáших, у Гóспода прóсим.

Прощéния и оставлéния грехóв и прегрешéний нáших у Гóспода прóсим.

Дóбрых и полéзных душáм нáшим и мiра мiрови у Гóспода прóсим.

Прóчее врéмя животá нáшего в мiре и покаянии скончáти у Гóспода прóсим.

Христиáнския кончiны животá нáшего, безболéзнены, непостыдны, мiрны и дóбраго отвéта на Стрáшнем Судищи Христóве прóсим.

Пресвятúю, Пречистúю, Преплагословённую, Слáвную Владычицу нáшу Богородицу и Приснодéву Марию, со всёми свyтými помянúвше, сáми себé, и друг дрúга, и весь живóт наш Христú Бóгу предадiм.

**Хор:** Тебé, Гóсподи.

**Иерéй:** Яко Благ и Человеколóбец Бог есi, и Тебé слáву возсылаём, Отцú и Сыну и Святóму Дúху, ныне и прiсно и во вéки вéков.

**Хор:** Амiнь.

**Иерей:** Мир всем.

**Хор:** И дýхови твоемý.

**Диáкон:** Главы наша Гóсподеви приклóним.

**Хор:** Тебé, Господи.

**Иерей:** Твое бо ёсть, ёже мiловати и спасати ны, Бóже наш, и Тебé славу возсылаем, Отцу и Сыну и Святому Дýху, ныне и прiсно и во вéки векóв.

**Хор:** Амiнь.

**Диáкон:** Премýдрость.

**Хор:** Благослови.

**Иерей:** Сый благословён Христóс Бог наш, всегда, ныне и прiсно и во вéки векóв.

**Хор:** Амiнь. Утверди, Бóже, святую правослáвную веру, правослáвных христиáн во век вéка.

**Иерей:** Пресвятáя Богородице, спаси нас.

**Хор:** Честнейшую Херувiм и Слáвнейшую без сравнénия Серафiм, без ислéния Бóга Сло́ва рóждшую, сýщую Богородицу, Тя велича́ем.

**Иерей:** Сла́ва Тебé, Христé Бóже, Уповáние наше, сла́ва Тебé.

**Хор:** Сла́ва, и ны́не. Гóсподи, помiлуй. *(Трижды)* Благослови.

Отпýст.

**Иерей:** Воскресiй из мёртвых Христóс, Истинный Бог наш, моли́твами Пречiстыя Своея́ Мáтере...

МНОГОЛЕТИЕ

**Хор:** Вели́каго Господiна и Отца́ нашего **Кири́лла**,/ Святéйшаго Патрiарха Москóвского и всея́ Русiи,/ и Господiна нашего *(Высоко-)* Преосвящённейшаго *(имярек)*,/ *(архи-)*епiскопа *(митрополита (титул))*,/ богохранiмую страну́ нашу Росси́йскую,/ настоя́теля, бра́тию и прихóжан святáго хра́ма сегó/ и вся правослáвныя христиáны,// Гóсподи, сохрани́ их на мно́гая léта.

ЧИТА́ЕТСЯ ПÉРВЫЙ ЧАС

## **НА ЧАСАХ:**

**НА 1 И 6 ЧАСАХ:**

**ТРОПÁРЬ ВОСКРÉСНЫЙ, ГЛАС 2:**

**Е**гдá снизшéл есi к смёрти, Животé Безсмёртный,/ тогдá ад умертвiл есi блистáнием Божествá./ Егдá же и умёршыя от преиспóдных воскресiл есi,/ вся Сiлы Небéсныя взывáху:// Жизнодáвче, Христé Бóже наш, слáва Тебé.

**Слáва Отцú и Сыну и Святóму Дúху.**

**ТРОПÁРЬ ПРЕОБРАЖÉНИЯ, ГЛАС 7:**

**П**реобразiлся есi на горé, Христé Бóже,/ показáвый ученикóм Твоiм слáву Твою,/ якоже можáху,/ да возсияет и нам, грéшным,/ Свет Твой при-сносúщный/ молiтвами Богорóдицы,// Светодáвче, слáва Тéбе.

**КОНДÁК ПРЕОБРАЖÉНИЯ, ГЛАС 7:**

**Н**а горé преобразiлся есi,/ и якоже вмещáху ученицý Твою,/ слáву Твою, Христé Божé, видеша,/ да егдá Ты úзрят распинаéма,/ страдáние úбо уразу-мéют вóльное,/ мiрови же проповéдят,// яко Ты есi воiстинну Óтчее сияние.

**НА 3 И 9 ЧАСАХ:**

**ТРОПÁРЬ ВОСКРÉСНЫЙ, ГЛАС 2:**

**Е**гдá снизшéл есi к смёрти, Животé Безсмёртный,/ тогдá ад умертвiл есi блистáнием Божествá./ Егдá же и умёршыя от преиспóдных воскресiл есi,/ вся Сiлы Небéсныя взывáху:// Жизнодáвче, Христé Бóже наш, слáва Тебé.

**Слáва Отцú и Сыну и Святóму Дúху.**

**ТРОПÁРЬ ПРМЧ. ДОМЕТIЯ, ГЛАС 4:**

**П**óстнически предподвизáвся на горé,/ úмная врагóв ополчéния/ все-орúжием Крестá погубiл есi, всеблажённе./ Пáки же ко страдáльчеству мúжески облéклся есi,/ убiв Копронiма мечéм вéры,/ и обоiх рáди вен-чáлся есi от Бóга,// преподобномúчениче Дометiе приснопáмятне.

**КОНДÁК ВОСКРÉСНЫЙ, ГЛАС 2:**

**В**оскрéсл есi от грóба, Всесiльне Спáсе,/ и ад, видев чúдо, ужасéся,/ и мёртвии востáша;/ тварь же видящи срáдуется Тебé,/ и Адáм свеселiтся,// и мир, Спáсе мой, воспевáет Тя прiсно.

## НА ЛИТУРГИИ:

### БЛАЖЕННЫ:

**Хор:** Во Цáрствии Твоём помяни нас, Гóсподи, егда приидеши, во Цáрствии Твоём.

**На 12:** Блажéни нiщии дýхом, яко тех есть Цáрство Небéсное.

**Блажéни плачушии, яко тii утéшатся.**

**На 10:** Блажéни крóтции, яко тii наследят зéмлю.

*Воскресные, глас 2:*

**Тропарь:** Глас Ти принóсим разбóйничь, и мóлимся: помяни нас, Спáсе, во Цáрствии Твоём.

**Блажéни áлчушии и жáждушии прáвды, яко тii насытятся.**

**Тропарь:** Крест Тебé принóсим в прощéние прегрешéний: егóже нас рáди приял еси́, Человеколюбче.

**На 8:** Блажéни мiлостивии, яко тii помiловани бóдут.

**Тропарь:** Покланяемся Твоему́, Влады́ко, погребéнию и востáнию: iмиже от тлéния избáвил еси́ мир, Человеколюбче.

**Блажéни чiстии сёрдцем, яко тii Бóга úзрят.**

**Тропарь:** Смёртию Твоею, Гóсподи, пожёрта бысть смерть: и Воскресéнием Твоим, Спáсе, мир спасл еси́.

**На 6** Блажéни миротворцы, яко тii сынове Бóжиеи нареку́тся.

**Тропарь:** Миронóсицы срéтил еси́, воскрес от грóба, и учеником возвестил еси́, рещи́ Твоё востáние.

**Блажéни изгнáни прáвды рáди, яко тех есть Цáрство Небéсное.**

**Тропарь:** И́же во тьме спяшии Тя, свет, видевше, в преиспóднейших áдовых, Христé, воскресóша.

**На 4:** Блажéни естé, егда понóсят вам, и изжену́т, и реку́т всяк зол глагол на вы, лжу́ще Менé рáди.

*Преображения, глас 4:*

**Тропарь:** Глаголы живóтныя другóm Христóс/ и о Божéственном наказу́я Цáрствии, речé:/ во Мне Отцá познайте,/ Свётom яко облистáя непристúпным, в рáдости пою́ще:// поим Бóгу нáшему, яко прослáвился.

**Рáдуйтесь и веселитесь, яко мзда вáша мно́га на Небесéх.**

**Тропарь:** Сiлою язýк облечётесь друзи ученицы́,/ чúдни же бóдете в богáтстве их, яко слáвы напóлнитесь,/ яко явлю́ся светлéе солнца, облистáя в рáдости пою́щих:// поим Бóгу нáшему, яко прослáвился.

**Слава Отцу и Сыну и Святому Духу.**

*Преображения, глас 8:*

**Тропарь:** **Моисей**, на мóри прорóчески вiдев/ óблаком и столпóм дрéвле óгненным слáву Госпóдню, вопиáше:// Избáвителю и Бóгу нáшему пойм.

**И ныне и присно и во веки веков. Аминь.**

**Тропарь:** **Я**ко кáменем, тéлом покрýвсья,/ обожéнием, Невiдимаго зря, Моисей Бо-говiдец взывáше:// Избáвителю и Бóгу нáшему пойм.

**По вхóде:**

**В храме Госпóдском:**

**Тропáрь воскрéсный, глас 2:**

**Е**гдá снизшéл есi к смéрти, Животé Безсмéртный,/ тогдá ад умертвил есi блистáнием Божествá./ Егдá же и умéршья от преиспóдных воскресiл есi,/ вся Сiлы Небéсныя взывáху:// Жизнодáвче, Христé Бóже наш, слáва Тебé.

**Тропáрь Преображéния, глас 7:**

**П**реобразiлся есi на горé, Христé Бóже,/ показáвый ученикóм Твоим слáву Твою,/ якоже можáху,/ да возсияет и нам, грéшным,/ Свет Твой приносúщный/ молитвами Богорóдицы,// Светодáвче, слáва Тéбе.

**Тропáрь прмч. Дометiя, глас 4:**

**П**óстнически предподвизáвся на горé,/ úмная врагóв ополчéния/ всеорúжием Крестá погубiл есi, всеблажéнне./ Пáки же ко страдáльчеству мúжески облéклся есi,/ убiв Копронiма мечéм вéры,/ и обоиx рáди венчáлся есi от Бóга,// преподобномúчениче Дометiе приснопáмятне.

**Кондáк воскрéсный, глас 2:**

**В**оскрéсл есi от грóба, Всесiльне Спáсе,/ и ад, вiдев чúдо, ужасéся,/ и мéртвии востáша;/ тварь же вiдящи срáдуется Тебé,/ и Адáм свеселiтся,// и мир, Спáсе мой, воспевáет Тя прiсно.

**Слáва Отцú и Сýну и Святóму Дúху.**

**Кондáк прмч. Дометiя, глас 6:**

**Я**ко преобiдев тлénная и дóлу влеку́щая мудровáния,/ преподобномúчениче Дометiе,/ велик настáвник мона́хом показáлся есi,/ не устраши́вся ярости царя, не хотя́ща чтiти Христá, iстиннаго Бóга./ Сегó рáди и скончáлся есi, воспевáя песнь:// Бог есть со мно́ю, и никтóже на мя.

**И ныне и присно и во веки веков. Аминь.**

**Кондáк Преображéния, глас 7:**

**Н**а горé преобразiлся есi,/ и якоже вмещáху ученицý Твою,/ слáву Твою, Христé Божé, вiдеша,/ да егдá Ты úзрят распина́ема,/ страдáние úбо уразумеют вóльное,/ мiрови же проповéдят,// яко Ты есi воiстинну Óтчее сияние.



## В ХРАМЕ БОГОРОДИЦЫ И СЯТÓГО:

### ТРОПÁРЬ ВОСКРÉСНЫЙ, ГЛАС 2:

**Е**гдá снизшéл есi к смёрти, Животé Безсмёртный,/ тогдá ад умертвил есi блистáнием Божествá./ Егдá же и умёршыя от преиспóдных воскресiл есi,/ вся Сiлы Небéсныя взывáху:// Жизнодáвче, Христé Бóже наш, слáва Тебé.

### ТРОПÁРЬ ПРЕОБРАЖÉНИЯ, ГЛАС 7:

**П**реобразiлся есi на горé, Христé Бóже,/ показáвый ученикóм Твоим слáву Твою,/ якоже можáху,/ да возсияет и нам, грéшным,/ Свет Твой приносóщный/ молитвами Богородицы, // Светодáвче, слáва Тéбе.

### ТРОПÁРЬ ХРАМА.

### ТРОПÁРЬ ПРМЧ. ДОМЕТIЯ, ГЛАС 4:

**П**óстнически предподвизáвся на горé,/ ýмная врагóв ополчéния/ всеорúжием Крестá погубiл есi, всеблажéнне./ Пáки же ко страдáльчеству мýжески облéклся есi,/ убiв Копронiма мечéм вéры,/ и обоиx рáди венчáлся есi от Бóга, // преподобномúчениче Дометiе приснопáмятне.

### КОНДАК ВОСКРÉСНЫЙ, ГЛАС 2:

**В**оскрéсл есi от грóба, Всесiльне Спáсе,/ и ад, вiдев чýдо, ужасéся,/ и мёртвии востáша;/ тварь же вiдящи срáдуется Тебé,/ и Адáм свеселiтся, // и мир, Спáсе мой, воспевáет Тя прiсно.

### КОНДАК ХРАМА.

**Слáва Отцý и Сýну и Святóму Дýху.**

### КОНДАК ПРМЧ. ДОМЕТIЯ, ГЛАС 6:

**Я**ко преобiдев тлénная и дóлу влеку́щая мудровáния,/ преподобномúчениче Дометiе,/ велик настáвник мона́хом показáлся есi,/ не устрашився ярости царя, не хотя́ща чтiти Христá, iстиннаго Бóга./ Сегó рáди и скончáлся есi, воспевáя песнь:// Бог есть со мноý, и никтóже на мя.

**И ныне и присно и во веки веков. Аминь.**

### КОНДАК ПРЕОБРАЖÉНИЯ, ГЛАС 7:

**Н**а горé преобразiлся есi,/ и якоже вмещáху ученицý Твою,/ слáву Твою, Христé Божé, вiдеша,/ да егдá Ты úзрят распина́ема,/ страдáние úбо уразумеют вóльное,/ мiрови же проповéдят, // яко Ты есi воiстинну Óтчее сияние.

**ПРОКlМЕН ВОСКРlСНЫЙ, ГЛАС 2:**

**Крéпость моя и пéние моé Господь,/ и бысть мне во Спасéние.**

**Стих:** **Наказуя наказá мя Господь, смёрти же не предадé мя.**

**ПРОКlМЕН ПРМЧ. ДОМЕТIЯ, ГЛАС 7:**

**Честнá пред Гóсподем/ смерть преподóбных Егó.**

**АПОСТОЛЬСКОЕ ЧТéНИЕ ДНЯ:**

**1 КОР., ЗАЧ. 141 (ГЛ. 9, СТ. 2-12)**

**Брáтие, печáть моего апóстольства вы естé о Гóсподе. Мой отвéт востязующим менé сей есть. Едá не íмамы влáсти ясти и пiти? Едá не íмамы влáсти сестру́ жену́ водiти, яко и прóчии Апóстоли, и брáтия Господня, и Кiфа? Или́ едiн аз и Варна́ва не íмамы влáсти éже не дéлати? Кто вóинствует своiми обрóки когдá? Или́ кто насаждáет виноград, и от плодá егó не яст? Или́ кто пасёт ста́до, и от млекá ста́да не яст? Едá по человекóу сiя глагóлю? Не и закóн ли сiя глагóлет? В Моисéове бо закóне пишет: да не заградíши устну́ волá молотяща. Едá о волóвех радiт Бог? Или́ нас рáди всяко глагóлет? Нас бо рáди вписáся, яко о наде́жди дóлжен есть оря́й орати, и молотя́й с наде́ждою своегó упováния причащáтися. Аще мы духóвная сéяхом вам, вели́ко ли, аще мы вáша телéсная пóжнем? Аще инiи влáсти вáшея причащáются, не пáче ли мы? Но не сотворíхом по óбласти сей, но вся терпiм, да не прекращéние кóе дáмы благовествовáнию Христóву.**

**АПОСТОЛЬСКОЕ ЧТéНИЕ ПРМЧ. ДОМЕТIЯ:**

**ЕФ., ЗАЧ. 233 (ГЛ. 6, СТ. 10-17)**

**Брáтие, возмога́йте о Гóсподе и в держáве крéпости Егó, облещiтеся во вся ору́жия Бóжия, яко возмощi вам стáти протiву кóзнем диáвольским, яко несть нáша брань к крóви и плóти, но к началом и ко властém и к миродержiтелем тмы вéка сегó, к духовóm злóбы поднебéсным. Сегó рáди примiте вся ору́жия Бóжия, да возмо́жете протiвитися в день лют и вся содéявше стáти. Стáните úбо препоя́сани чреслá вáша iстиною, и облкшеся в броня́ правды, и обóувше нóзе во уготóвание благовествовáния мiра, над всеми́ же восприймше щит вéры, в нёмже возмо́жете вся стрéлы лука́ваго разжжéнные угасiти. И шлем спасéния восприимiте, и мечь духóвный, iже есть глагóл Бóжий.**

**АЛЛИЛУА́РИЙ ВОСКРlСНЫЙ, ГЛАС 2:**

**Стих:** **Услы́шит тя Господь в день печáли, защитит тя И́мя Бóга Иáковля.**

**АЛЛИЛУА́РИЙ ПРМЧ. ДОМЕТIЯ, ГЛАС 4:**

**Стих:** **Праведник, яко фiникс, процветёт, яко кедр, iже в Ливáне умно́жится.**

**ЕВАНГЕЛЬСКОЕ ЧТЕНИЕ ДНЯ:****Мф., зач. 77 (гл. 18, ст. 23-35)**

**Рече** Господь притчу сию: уподобися Царствие Небесное человеку царю, иже восхотé стязатися о словеси с рабы своими. Наченшу же ему стязатися, приведоша ему единого должника тмою талант. Не имущу же ему воздати, повелé и господь его продати, и жену его, и чада, и вся, елика имéяше, и отдати. Пад убо раб той, кланяшеся ему, глаголя: гóсподи, потерпí на мне, и вся ти воздам. Милосердовав же господь раба того, прости его и долг отпусти ему. Изшед же раб той, обрете единого от клеверет своих, иже бе должен ему стом пениязь, и ем его давяше, глаголя: отдаждь ми, иже ми еси должен. Пад убо клеверет его на нозе его, моляше его, глаголя: потерпí на мне, и вся воздам ти. Он же не хотяше, но вед всади его в темницу, дондеже воздаст должно. Видевше же клеверети его бывшая, сжалиша си зело и пришедше сказаша господину своему вся бывшая. Тогда призвав его господин его, глаголя ему: рабе лукавый, весь долг он отпустих тебе, понéже умоли мя еси, не подобаше ли и тебе помилovati клеверета твоего, якоже и аз ты помиловах? И прогневавсь господь его, предаде его мучителем, дондеже воздаст весь долг свой. Тако и Отец Мой Небесный сотворит вам, аще не отпустите кождо брату своему от сердец ваших прегрешения их.

**ЕВАНГЕЛЬСКОЕ ЧТЕНИЕ ПРМЧ. ДОМЕТIЯ:****Ин., зач. 52 (гл. 15, ст. 17 – гл. 16, ст. 2)**

**Рече** Господь Своим учеником: си заповедаю вам, да любите друг друга. Аще мир вас ненавидит, ведите, яко Мене прежде вас возненавиде. Аще от мира бысте были, мир убо свое любил бы, якоже от мира несте, но аз избрах вы от мира, сего ради ненавидит вас мир. Поминайте слово, еже аз рех вам: несть раб болий гóспода своего. Аще Мене изгнаша, и вас изженут, аще слово Моё соблюдоша, и ваше соблюдут. Но сия вся творят вам за имя Моё, яко не ведят Пославшаго Мя. Аще не бых пришёл и глаголал им, грехá не быша имéли, ныне же вины не имут о гресé своём. Ненавидяй Мене, и Отца Моего ненавидит. Аще дел не бых сотворил в них, иже ин никтоже сотвори, грехá не быша имéли, ныне же и видеша, и возненавидеша Мене и Отца Моего. Но да сбудется слово, писанное в законе их, яко возненавидеша Мя ту́не. Егда же приидет Утешитель, Егоже аз послю вам от Отца, Дух истины, иже от Отца исходит, Той свидетельствует о Мне. И вы же свидетельствуете, яко искони со Мною есте. Сия глаголах вам, да не соблазнитесь. От сонмищ ижденут вы, но приидет час, да всяк, иже убиет вы, мнится службу приносити Богу.

**ВМЕСТО ДОСТОЙНО:**

**Припев:** Величай, душе моя,/ на Фаворе преобразившагося Господа.

**ИРМОС ПРАЗДНИКА, ГЛАС 4:**

**Хор:** Рождество Твое нетленно явися:/ Бог из боку Твоею пройде,/ яко Плотносец явися на земли/ и с человеки поживе.// Тя, Богородице, тем вси величаем.

**ПРИЧАСТЕН ВОСКРЕСНЫЙ:**

**Х**валите Господа с небес, хвалите Его в вышних.

**ПРИЧАСТЕН ПРМЧ. ДОМЕТIЯ:**

**В** память вечную будет праведник, от слуха зла не убоится.

**Аллилуия. (Трижды)**